

罪

惟

錄

罪惟錄列傳卷之八中

啓運諸臣列傳

李善長 王濂

李善長字百室定遠人元亂匿東山中讀書歷館持文墨英
事以儒服道謁滁陽太祖顧里開長者溫禮之留掌書記
曰倉卒聚兵人自為心比文士持案牘多毀惡諸將以致
敗事嗣行軍得失公無我言調之如一願以屬公于是朝
夕預機密諸將來歸布疑誠委曲調護人皆安之方滁陽
王心疑太祖奪其兵而收善長不慮太祖固遣之終涕泣
不肯行滁陽王久亦不彊太祖以是嘗顧復此厚意上總

和陽兵出略地。善長留守。嘗一敗元太子亮。堅兵上歸。笑曰。不意縫掖乃辨執戈渡江。取太平。太祖自稱大元帥。以善長為府都事。已克建康。取鎮江。與諸將奉上為吳國公。擢侍中。書叅議。軍機進止。章程賞罰。十九取善長。屢分師行。必留守。轉給軍食。無缺。善長常以帝產濫。近沛。北方漢高帝。而自擬鄼侯。帝曰。吾徐將軍。淮陰無以過。即安得留侯者。對曰。金華宋景濂。可為博物洽聞。兼通象緯。帝曰。以孤所聞。遁象緯者。莫如青田劉基。自是得二公。合舉王業。上為吳王。拜右相國。請立茶法。洪都鑄錢設局。湖廣開鐵冶。定魚稅。裁取有裹。民不困。而國用足。既平浙西。興鹽法。

吳元年。率諸臣勸進。王不許。平吳勞。封宣國公。賚賜如大將軍。始尚左。以爲左相。國王從容謂群臣。孤以布衣起兵。與李相國里居最密。通徐相國及他大將。遠亦不過百里。不自意。吾鄉人咸在廷股肱。今舉天下過半。辛辛賴勤勞。大一統。善長等咸頓首謝。時懲元繼弛。頗用重典。法有連坐三條。善長議。自大逆而外。皆除之。與劉基等並裁定律令。已復。率群臣勸進三表。乃許。戊申。王即皇帝位。一切冊典。皆克大禮使。改中書左丞相。兼太子少師。率禮官進議郊社宗廟禮。尋奏定六部尚書以下官制。議官民喪服。三師朝賀東宮儀。監修元史。編祖訓。定朝臣大小服色。俸賜。

天下嶽瀆神祇名號封建藩國及功臣爵貴存恤國初都
先鋒十大元帥都尉指揮陣亡無後者之父母妻禁淫祀
事無鉅細悉與中丞劉基右丞楊憲謀而行之三年進封
韓國公授開國輔運推誠守正文臣特進光祿大夫左柱
國太師叅軍國事左丞相歲祿四千石世襲賜鐵券免二
死子免一死帝謂善長雖無汗馬勞然事朕久給足軍食
其功最大比蕭何以是大將軍為元功位猶居次善長雖
寬博有器畧而意思不能專平以叅議李欽水楊希聖稍
侵其權論黜之又數與中丞基爭法而詢時帝所寵任張
昺楊憲皆以事誅汪廣洋亦數譴而善長事寄如故言不

盡行帝意且勸之矣已而引疾解歸賜臨濠田及守冢與魏
公等踰年督建中都宮殿欲坐工人麗鎮工部尚書薛祥
義責之乃已尋經畧徙戶十四萬于臨濠其弟存義太僕
丞義二子伸佐皆辟牧所官尋以皇長女臨安公主歸其
子祺拜駙馬都尉婚閏月御史大夫汪廣洋陳寧疏糾善
長因子祺尚主狎寵自恣陛下病不視朝幾及旬不知問
安祺六日不朝宣至前殿又不施礼大不敬請付所司論
法善長免冠謝罪上赦之善長在上前凡事不先發時為
小人覆過或時譴訶不當罪強為對上以為好尋一再賜
物追數之削其祿幾半自是意忽不自得復起與曹國

公文忠議軍國。凡大事悉聽裁審。而後奏行。十三年。御史中丞涂節告左丞相胡惟庸反狀。上親臨鞫獄。詞謂惟庸既教以事。見督皇恐。起邪謀。誘吉安侯陸仲亨。平涼侯費取。使出招士馬為外應。先與存義謀。善長聞之。驚不可已。惟庸復謂存義。苟事成。盡捐淮西地。王太師善長心動。嘆息。起曰。吾老矣。惟爾等所為。又旬日。惟庸過善長。屏左右。款語。人不聞。遙見頷首而已。又謂惟庸與倭通。俾以精兵。寓貢船。應海上。獄具。賜惟庸與御史大夫陳寧死。時費聚已前死。群臣請併誅善長及吉安侯。上曰。吾年二十有七。識善長兵間。善長年四十有一。所言多合。遂命掌簿書。贊。

謀畫為功臣。爵上公。女七。其子陸仲亨年十有七。弟兄父母
具亡。以一升麥藏。卓間朕見而呼之曰。來。遂從朕長育。以功封
侯。此吾微時股肱心腹。其勿問。止誅存義。併赦其子祐。尋召
善長理御史臺事。議文臣贈封廕叙例。既請老。而祺亦自以
能有所任使。二十一年。肅清逆黨。擢勳臣五十七人。善長擢以
專簿書。而指示居第二等。又二年。所善長年七十有七矣。
嘗欲營第宅。從信國公和假衛卒三百人役。和探得上旨。
攘臂曰。太師敢擅發兵耶。密以聞。復有謂坐惟庸黨當徙
邊者。皆豪善長私之數。以給其親。大非法。又永昌侯藍玉破
鹵捕兕海。獲其遺臣封績。及惟庸謀亂。使于鹵者。善長

匿不以奏及事發鞫得績往來沙漠私書有善長當伏誅
不報會有言星變其占當移大臣于是御史再劾善長捕
佑伸置獄上具謂惟庸初為寧國令善長納黃金三百兩
為之超薦太常少卿及惟庸反謀定善長遣家奴耿子忠
等四十人從惟庸惟庸復以西域古劍白玉壺玉刻交龍
螭桃巵酬善長善長罪不赦帝手詔慰諭之召見奉天殿
述初開創艱難為流涕出至右順門顧群臣曰太師老矣
吾欲曲宥佑伸死以慰太師心群臣固言善長反狀已著
三尺法非陛下所私上乃曰法如是柰何善長大慟曰臣
誠負陛下恩魚面目見群臣歸而自經死佑伸及吉安侯

皆坐棄市、特赦諸子弗誅、以禮葬善長、卹其家、都尉祺徙
江浦、數年卒、有二子、以公主推恩、芳、晉守中衛、指揮茂鎮、
撫孫恒、停襲六世、巒、嘉靖中、錄絕、封改文、資世襲七品、善
長死之明年、虞却即中王國用上書訟其冤、累曰、夫人愛
其子必甚于兄弟之子、安享萬全之富貴者、必不僥倖萬
一之富貴、善長于胡惟庸則猶子戚耳、于陛下親子女也、
使善長佐胡惟庸成、不過勲臣第一而已、寧復有加于今
日、且善長豈不知天命之不可俸求、取天下于百戰而艱
危也、哉、善長老偷安苟容、則有之、曾謂有血氣之強暴動
威于其中也、抑為此者、或有深仇、急變、大不得已、至相挾

以○求○脫○禍○今○善○長○子○拱○託○骨○肉○至○親○無○纖○芥○之○嫌○何○因○而○
忽○起○此○謀○至○于○殺○人○而○應○天○象○此○豈○上○天○之○意○哉○天○下○曰○
功○如○善○長○又○何○如○吾○恐○四○方○之○解○體○也○今○不○幸○而○失○刑○猶○
願○陛○下○作○戒○于○將○來○毋○護○無○恨○此○草○御○史○解○縉○所○代○作○也○
帝○雖○不○能○用○亦○不○見○罪○時○有○僉○事○王○濂○韓○公○婦○兄○也○恂○
儒○者○時○人○語○曰○孝○如○王○習○古○可○以○無○愧○神○采○精○紫○毅○然○不○
可○奪○詔○以○為○執○法○官○負○墨○者○去○恐○後○先○善○長○卒○及○善○長○坐○
事○上○嘆○曰○王○濂○在○必○不○至○此○弘○光○中○追○謚○善○長○襄○愍○
論○曰○太○祖○子○滁○陽○意○最○不○能○釋○而○韓○國○初○涕○泣○不○肯○屈○
事○滁○陽○故○人○厚○誼○太○祖○誠○寤○寐○不○忘○矣○給○足○軍○食○雖○不○

必果如鬱戾然開國一切章程俱預條畫且推誠護諸將諸將安之風雨寒暑左右几席者垂三十六年所厥勤匪細其無汗馬勞而特與左丞則又懸大將軍以罕頭之進帝有權用焉而善長以為應爾受爵不讓詩人之所為訛也自帝意倦之勅書再讓祇有引咎如劉誠意之不辯以待悟而進退共據碩欲從胡丞相乞萬福哉且何時而輒以衛卒役私第善長或自許蕭何之以薦淮陰急自遠而韓國獨闔惟庸之不終所謂為家不治垣墉者如是乎識不足鏡人又短自全于是惟庸之罪久而益增而所以議韓國之同惟庸者日以益矣帝與

韓國素豈不諒其無他而寔有隱慮他日朝廷孱柔或恐奸回怙勢姻婭故奮鉤引盤結猝不可解致成外重之勢且自以聰明天授尚為楊胡等所借剔邪莠異豈能望之後人于是勇於一割以應殺運即至戚故人不能若曰吾盡此力能傲運者而運存則所以存運而底定傲運不及計矣黨之一字自此而始

又曰或云解六神能代虞部王國用作奏何不自為奏以種庖西直筆嘗考六神在河州時曾寄貝川書有云曾草諫書為韓國公事為營衛所嫉欲中以危法則知代草非其意也或前草猶在李愬未敗之日乎

劉基 子璟

劉基字伯溫浙江青田人曾祖濠為宋翰林掌書家居每晨登高丘望其聚突無烟者賑之宋亡里林融為宋舉義元使簿錄融亡連引多濠盛治牛酒邀使者至醉而自焚其廬失所連姓名于是猝捕得二百人餘俾脫去父燼為元遂冒教諭基少穎悟讀書七行俱下年十四通春秋徧及五經工文章兼通陰符家言元末舉進士為秘書監揭曼碩所知詔曰吾復見魏玄成氏英特遇之得天文書燕市閱之竟如通舉無遺有進賢老人鄧祥甫者一見嗟異曰吾嘗語人王佐之學率不省子善自愛盡出秘書相示

或曰卜者魯義山得銀河掉之秘遺命其子授基授高安
縣丞在官摧抑豪貴嘗盡反新昌故獄檢官以罪去噤謀
中基行中書省移基入幕府避之輒與其長抗議不合投
劾去尋補浙江儒學副提舉又輒上言御史失職數事受
臺抨歸乃與魯道源宇文公諒日縱酒西湖見有異雲西
北起時基已醉放言曰嘻此所以為天子氣應也早我其輔
之象掩耳駭去獨門人沈與原扶之歸西蜀趙天澤嘆曰
孔明再生天下可知矣為文以勸之方國真反海上辟基
元帥府都事築慶元逼之廷臣重言兵間議撫基不可曰
真首亂不誅無以懲後左丞帖里木見以基計聞之朝上

己入真贖。欲便官之坐。基擅威福。奪取羈管。紹興并罷。左丞基憤嘔血。放浪山水。多為詩歌。自解。于是山盜蠲起。行省復以都事辟基治兵。與樞密判石抹宜孫相應。援捕盜。有聲。遷行省。而中。方上功。而有右方氏者。僅遷基總管府判。奪其兵。基益憤。棄官。集鄉練。自保。著郁離子十八篇。郁者文也。離明也。其醜物托類。大率悲生民之塗炭。嘆國法之并髦。欲明制度。肄禮樂。以待王者之興。客說基曰。以足下才氣無雙。後好亂之衆。踣方民。而有明越。畫江守之。此句踐之業矣。基笑曰。是一國真也。天命行有屬子。始待之時。太祖已下金華。定括蒼。指乾象。謂所親曰。此豈人力。

所能。或會孫炎奉命來聘。付其家與弟陞曰。守吾法勿失。
可。方氏不即至。間道走金陵。上時務十八事。曰。江南兩
敵耳。周士誠地南不過會稽。北不過淮陽。首暈竄伏。陰陽
于元。此其志不在大。漢友諒包饒信。跨荆襄。刳君而脇其
下。皆乖怨。惟剽悍。輕死。然數戰民疲。乖則不驩。疲則不
傳。故漢易取也。今日之計。莫若先漢。上躡而周。後之上悅。
稱先生不名。己而友諒陷太平。弒壽輝。自帝。拜犯龍江。衆
恇擾。計無所決。基獨張目不言。因請問曰。明公創有建康。
方為生民造命。柰何使諸將人人持所見。請賜上方劍。先
斬議降及奔鍾山者。夫天道後舉者勝。王師得人為本。臣

夜望氣。衰旺已判。急傾府庫。以興士怒。審謀以敵敵勢。興
王大業在此。一舉上乃決計。設伏誘致之。友諒大敗去。當
是時。上為宋吳國公。奉小明玉座中書省。晨朝之。基獨漫
罵曰。彼牧豎何為者。不拜。因密陳天命所在。尋友諒擁衆
江州。陷我安慶。基曰。金火相逐。其勝在我。師出有殊。獲乃
以其策。陽攻安慶。間走江州。友諒倉卒夜奔武昌。復我安
慶。畧地至蘄黃。帝命馮勝攻南康。基密授一函。以行至期。
啓之。書曰。夜半出兵某所。某方青雲起。宜為伏。有黑雲起
者。賊伏也。勿犯。日中昃而黑雲漸薄。回與青雲接者。賊歸
也。疾啣枚躡其後。勝初不信。已具如所言。賊敗。取其城。諸

以為神時。漢胡廷瑞以洪都降。要上無分軍。上難之。基從後。倚上坐。數上悟。許之。洪都為我守。至是始申請毋喪歸。道出衢。七降苗叛。殺守將胡大海。將為亂。基入城戒諭。稍定。會國真以幣唁基喪。基騰書宣上威德。方氏入貢。則上于軍國有所謀議。輒馳使請決也。脩奏皆懸中。召赴京。抵建德。而周士誠寇急。左丞李文忠奮欲出戰。基止之曰。待三日定而擊之。至期。壁壘旗幟如故。且聞嚴鼓聲。莫敢發。基曰。遲之勿及矣。則果空壁。迨薄之。東陽大獲其衆。彭蠡之戰。刻以金木。相犯日定之。乙巳。領太史院監。敵戊申。大統曆。上嘗以夢故。欲刑人。厭之。基為作解曰。頭有血衆也。

傅以土得衆且得土也。應在三日。海寧降。熒感守心。群臣
惴上。恐大誅。僂基密言宜降書罪己。以回天意。衆乃安。大
旱。上特命基諗滯獄。甫決而雨。隨注。時基最為上信。嚮言
無不聽。中書叅政張杲故元臣。上書頌功德。基廷叱杲曰。
是殆欲為趙高耶。杲色動。使人伺基陰事。未發。而杲先他
坐。誅齊翼巖者。飛章論基專擅。上怒。詰之。出杲所使亦磔。
西市。上即大位。奏定軍衛法。擢御史中丞。仍領太史令。諸
大典制。皆基與左丞相善長學士濂稽定。時處州屬歲課。
畝。浮宋額五升。獨青田浮十之一。曰。以太史故。令其鄉世
世頌基德。云丞相善長貴盛。基每以事相左。善長惡基于

上。以之。丞相別坐。譴基曰。善長勛舊。或念其輯和諸將。上曰。是猶不知丞相之于先生哉。基頌首曰。臣顧大躰安得及私上意。乃解。嘗從容問基曰。吾欲相楊憲如何。基素與憲善。對曰。宰相者。任理為衡。而不以己與。憲有相才。無相器。然則汪廣洋曰。徧殆甚于憲。胡惟庸云。何曰。此債轅破犁犢也。上曰。吾固難之。相無逾先生者矣。基惶恐謝曰。臣寧不自知。臣疾惡太甚。又耐繁。恐終負陛下。其後三人遞相皆至。敗上。巡汴梁。基與丞相居守。請于上。肅清紀綱。詔許小者捕治。大者啓皇太子施行。中書省都事李彬坐貪縱。丞相素暱彬。為請于基。曰。不聽獄具。馳奏報可。輒斬。

之丞相乃大恨。稱基盛夏祈雨，僂人壇壝之下，非所以奉
承天意。上持其章不下。會基以妻喪告歸，得免。久之，手書
召還。曰：前太史令御史中丞基懷先聖之道，應聘而起。若
則匡輔治道，動則仰觀天象，發縱指示，無往不克。彭蠡鑿
戰，砲聲激裂，若雷臨首。軍士大呼鬼神，號怒自旦至暮。如
是凡四。爾時在舟，同我患難。今秋告歸，久而未至，朕心缺
然。既至，賚賜甚厚。是歲上方幸鳳陽，建為中都，銳出塞，滅
廓擴基。謂中都曼衍，非天子居。廓擴未可輕用兵也。後皆
如基論。進兼弘文館學士。先是累欲加封，謝曰：陛下天授
臣，何敢貪天為功。帝曰：伯溫吾留侯也。贈其祖父皆永嘉

郡公大封開國輔運守正文臣資善大夫上護軍誠意伯
祿二百五十石四年告歸尋手書問曰即今天象疊見天
鳴已八載日中黑子或二或三或一日更有之不知災禍
自何年月日至卿深知休咎討論封來卿年高靜處萬山
中必有真樂使者往回勿資以物茶飯發回基條對大率
謂霜雪之後必有陽春今國威已立宜少濟以寬大云時
胡惟庸以右丞相揖左事恨基前語思以中基會甌括之
間有隙地曰淡洋為濫盜藪基奏以其地立巡檢司控扼
之奸民合逃軍周廣三等猾不奉命而大豪復陰持其突
基使子璉上書而不先白中書省惟庸益怒使刑部尚書

吳雲怵罪吏誣基欲購淡洋為壽藏不遂迺為此計窘之
致激變請并逮其子璉上皆不問奪其祿伯爵如故基惧
馳入朝引罪不敢歸六年以文廟不陪祭受胙奪俸一月
惟庸既益橫基傷之色上得疾惟庸迺陽為好挾醫未視
飲藥覺有物積如拳久之浸劇給驛歸賜之書曰君子絕
交惡言不出忠臣去國不索其名爾基顯爵垂名勅賜歸
老何圖釁生致使不安卿趨朝不辯釋疑親君可謂不索
其名者欤惡言不出者欤以八年四月卒於家年六十有
五預織所習天文秘書識子璉亟上之又為一書授其次
子璟曰惟庸必敗上必上思我其時可以密聞書中脩

德省刑。祈天永命。以為寬猛。若循環。然毋持一端。諸要害
地。宜宿重兵。與京師形勢相聯絡。基此髯電目。剛毅有大
節。遇所不可義形于色。受上特知。一切皆參密謀。自中山
王而外。人莫得聞也。上晚歲威嚴。群臣進對。每戰失措。基
獨抗議。不以利害移家居。飲酒縱奕。未嘗言功。所著更有
覆瓿集二十四卷。寫情集七卷。犁眉公集五卷。行世初。惟
庸之毒基也。御史中丞徐節言之。上曰。問汪廣洋。廣洋
不對。上怒。敗之。十三年。惟庸伏誅。上迺深念基。召二子。慰
諭之。璉字孟藻。自幼有器局。永嘉為方氏所據。鄉無賴相
煽為亂。出不意。一夕撲滅之。上召璉及璟。顧謂基曰。阿璉

明秀阿環凝重。非卿安得有是子。基卒。上急命御史李鐸
取其現象諸書。而璉適奉父遺命。携書入京。除服授考功
丞。兼御史。出為江西叅政。璉以信直自處。尋為惟庸所脅。
憤卒。環字仲景。生時月蝕。復光。父基曰。夫墜乃緒。而或幹
之者。也。師事石樓子。誣濡經傳。喜談兵。偉貌豐髯。論議英
發。父沒不仕。甌賊葉丁香叛。延安戾唐勝。宇采用環策。計
平之。荐于朝。環乃上基遺書。上喜。特設閣門使官。授鉄
簡。書除奸摘倭四字。以剛直聞。時都御史袁甲奏牛車事。
忤旨。環當殿呵馭。上曰。正不負此使矣。會各王封宣府。年
少難其輔。諸大臣故忌環。請長史谷府。上誠曰。環持王于

正兵機慎勿忽。嘗奉王命至燕。王引環矣。環勝王意。弗
曰。卿不能借一路乎。環正色曰。可讓。環不敢不讓。不可讓。
環不敢讓也。王為懼。然燕兵起。環從谷王馳還京。獻十六
策。不聽。尋叅李景隆軍事。言復不見用。景隆敗。稱疾乞歸。
建文三年。輿闕。進見。聞錄千萬言。復不用。燕王得國。有令
趨朝。否不赦。環竹疾不起。逮之。夫人徐請委蛇。保富貴。瞪
目曰。毋多言。得死。先人像側足矣。道經白岩。姻人吳彪以
魏徵賀。環怒。翻案而出。及入對。猶稱殿。下殿。下百世後。逃
不得一個字。下詔。獄。辨髮。經死。法官希旨。緣坐其家。請如
鄭朱子例。上曰。環家非其例。蓋以父開國功也。遂得歸。墓

基墓初、璉子薦復故封、誠意伯、加祿共五百石。世襲會以
璟故、薦子法亦停襲。宣德三年、授璟子額刑部、炤磨。景泰
中、錄基後法、曾孫祿世襲翰林五經博士。天順中、勅祠基
于青田、成化中、勅取基像入宮。弘治中、錄世爵祿孫瑜得
為慶州衛指揮使。正德中、賜誥贈基太師謚文成。嘉靖十
八年、斥姚廣孝太廟侑享。刑部郎中李諭請以基祔入序
六王之下、而世其封制。於是指揮使瑜嗣故伯爵、食祿
七百石、與世券、而提學副使萬潮請肖像璟、配享文成祠。
瑜卒、子世延嗣振武營兵變。世延方僉府事、與少司馬李
遂以義叱之。亂者沮散、由是自負、藐諸公卿、縱其下侵奪。

民田有詔勒回原籍傲不肯行下南京刑部獄死子孔昭
嗣和光中以己意多所論訐南都敗蹈海去嘗從張名振
肆兵金山無所成子將軍永錫從魯監國奮戰水死有子
論曰至正辛卯而後論元臣從違宜有交格准以春秋
大義在用夏原非畔經弇州必以余關例誠意猶未
審子砥運之大矣義帝不終漢高得以名誅項氏使中
書設小明一座而後以瓜步了之安必無邵榮謝再興
等引夏玉真以為辭外援敵國執是而內難然則誠意
之不拜中書座其所以全帝德者宏哉子璟以一字責文
皇是以一字效讓皇矣父所持在運子所維在義先後

不相也。明末共商孫永錫。聞閩海島以死志。亦諫矣。
與祖環稱而薦之。而孔昭之贊南都。頗愜。按方孝孺送
劉士瑞歸括蒼。有詩云。欲請天朝重褒錫。時未見燕事。
而璉已卒。虜已封胡為乎。而有清豈。御沙之術。例草士
端係環子。且代父。向。向。希恩。歟。永舉二年。青田民劉豹
係環子。進高皇帝所賜先誠意手詔八道。祭文一道。以父
得罪故。不敢存先恩。上不深求。賜鈔五錠。宣德中。授弱照
磨刑部。嗟乎。數下猶優環後矣。

宋濂

宋濂字環濂號潛溪浙江浦江人父朝隱不仕子二長濂義烏教諭次濂母陳氏妊七月而生六歲日記二十言九歲能詩歌休幹短小細目疎髯受業于聞人夢吉得春秋三傳之旨兼通五經柳文肅貫黃文憲清咸以為斯文在茲時吳淵穎某講學白麟溪既釋去濂輒代講席至正乙丑以布衣薦元將仕前翰林國史院編修每著述署名前後嘗欲入仙華山為道士犁眉之歎卒不果乃入小龍門著書刊基讀其書歎曰主聖經而奴百姓濂學望尼山矣太祖克婺州郡守王宗顯延為郡學五經師庚子同基等徵詣金陵

所以答明問第一語曰不嗜殺人除江南儒學提舉入授世
子經壬寅召講春秋左氏傳改起居注上嘗好論黃石公三畧
濂曰尚書典謨帝王大經大法靡不具惟陛下留意上稱
善意頗迂之疾歸其箋勉太子進修德業惟勤洪武二年
起家總修元史除翰林院學士知制誥時甘露屢降帝手
匙煉湯于鼎投露賜之因問災祥之故濂休符不于其祥
于其仁特都督朱文正得罪濂曰曲全親上惟陛下靜
思上心然之失朝恭左官三年遷國子司業復坐議孔廟
禮忤旨請知安遠尋召為禮部主事陸太子贊善大夫上
從容問王者讀何書濂以真西山大學衍義對遂令大書

揭西廡奉命講所揭廡間事。至漢武曰漢武嗜神仙好邊
功幾致大亂。人主能以義理養性則邪說不能侵。刑罰非
所先也。陞侍講學士奉命集歷代奸臣事為辨奸錄。分賜
太子諸王。序上所著祖訓纂大明日曆成凡一百卷。稱上
度越前王者六。一曰一統內外。二曰得國之正。三曰治政
詰戎。群仰成。四曰敬天勤民。五曰家法之嚴。六曰兵政
有統。又擇言行之大者為寶訓五卷。上之。于是勲臣名卿焯
德耀功之大。上並使濂編摩潤色。上喜濂博洽。欲試以政
事。濂謝。臣無他長。徒以文墨蒙恩。受我無狀。臣不足惜。恐
終負陛下。上以為然。卒不令參預中書。嘗賜燕。見問廷臣

臧否第言其善者。上詰之曰：善者與臣友，故知之。上擇年
少舉人為編修，隸業文華殿，而濂為之師。太子諸王迭治
具，如民間膳塾。上嘗詣飲，品次文字。每至夜分不釋。濂
為詩文，必寓忠告，深密不洩。禁中語有奏，輒焚其稿。嘗大書
溫樹二字室中。或問朝廷事，指二字不對，不能飲。上嘗強
之醉，賦楚詞一章賜之。命侍臣各賦醉學士歌，復除翰林
學士。承旨知制誥，兼修國史。以年老得騎，入復為良馬歌
賜之。時有陳辭迂狃，或以激上怒，曰：此大不敬。濂曰：彼應
詔而來，故效忠無他。上乃覆視，中有足采者，漫罵曰：幾以
膏沃吾火。因數濂事。朕十九年，口無毀言，身無飾行，寵辱

不驚。始終若一。抑可謂賢矣。十年許致仕。賜綺曰。藏此三十二年為百歲衣。贈濂父禮部尚書。祖德政太常少卿。誥詞皆帝手撰。明年入朝。上嘆曰。純臣哉。爾濂會日本使奉。款求文。報百金潤筆。却之。上問故。對曰。天朝近臣。受小彘金。非所以崇國體。上然之。舉國子監學政。蘇伯衡以自代。曰。願無以微疾廢。結廬青蘿山。閉門纂述。人罕見其面。布衣蔬食。無異貧士。嘗曰。古人為學。使心正身修。措之行事。俯仰無愧而已。繁辭複說。道之蔽也。汲引後學。如恐不及。視近甚明。夜燃燈坐。締帷中。引蠅頭小書。不倦。一黍能作十餘字。皆可辨。十三年。孫慎坐党論死。濂罪且不測。皇太

子力救得釋安置茂州。明年五月行至夔州。卒。年七十有
三。門人方孝孺曰。太史公論道上。前授經太子。未嘗不以
仁義天下既定。上方稽古制治。凡郊廟山川祠祀律曆禮
樂彝商貢養諸禮文大政。皆太史公裁定。太子寬大仁明。
天下歸心愛戴。太史公之功居多。海外諸國朝貢。接國門
必問太史公安否。其為當世取重如此。漁墓初在夔。永樂
十一年孫恪以蜀獻王命。遷葬華陽。成化中。戶部侍郎黃
琛為請。贈謚。追謚文憲。二子長瓚。先卒。瓚子三人。慎為儀
禮。司序班。及愷。恂皆無後。次璲。字仲珩。中書舍人。工書。稱
為國朝義獻子三人。懌。愷。恪。懌字子夷。讓。皇召為翰林侍

書愠恪亦工書。遂與劉彥銘、朱思平皆有名。建文間而漁門人有聲者，同麗樓、璉、鄭楷云。

論曰：不啻殺人。復孟氏語。帝方伏劍誅不道，而不以此語見忤，可知用此語固自有法。退引文墨不預中書，可知用語此之人亦自有法。其後正學以其所授受，死建文文憲貽之。然則其不長建文亦文憲貽之矣。夫既主聖經而奴百氏，入僊華山胡為乎。帝曰：濂無敗言，飾行十九年如一日。足概文憲生平矣。考亭之傳入元為何王金許。文憲固許氏門人，而究其說，夫家教不嚴，孫慎就吏。斯文在茲，豈宜輕屬。或曰：濂致仕後，賀萬壽，與登

文樓。頤上老之。令明年無來。至期忘之。頗念及。使人迹之。則漁方與婦人會飲賦詩也。賜死。孝慈適侍食齋。上訝之。伏曰。為宗先生資冥福。上心動。馳救之。後坐孫慎。得罪戾。憂。憩某寺。語僧。漁生平所學。無愧。何以得此。僧問。勝國時何官。曰。編脩。僧曰。編脩。不。沒。措。一。字。漁。夜。自。經。死。然。則。不。赴。編。脩。之。薦。或。自。正。學。諸。公。晦。之。而。併。晦。其。自。經。一。蕩。事。見。守。溪。筆。記。

章溢

章溢字三益浙江龍泉人始生號如巨鍾父遇孫疑為不祥幾棄不舉弱冠從其鄉王毅講正心脩身之學嘗曰吾聞古人主躬行章句之習非其所昏溢方頤踈髯目光如電罷局顧多曠於是非必毅然折衷於理務孝友絕元浙東憲使禿堅不花重溢方改官陝西邀溢去至榆林溢忽心動力辭歸則父病革越八日逝矣人以為至孝所感壬辰蘄盜寇龍泉執溢從子存仁去溢奮曰吾兄更無兒吾為取歸冒刃出告賊兒幼無所知即殺兒吾溢代之賊方慕溢懸購溢力及得溢大喜縱存仁歸乃坐溢上坐伏問

計。溢曰：吾有良策，使諸公首領俱全，未已也。父母妻子，晏相保，賊不甚解。曰：何如？曰：莫若釋械，行而歸。農賊怖，奮縛溢柱，以刃礪其頸，欲以威劫。溢正色曰：溢來知無生，溢急與溢死，以快諸公。賊竟不殺。溢夜紿守者，脫歸。于是集里以年，咸操戈，不旬日，往擊却之。府判官東是欲盡其類，則走說鎮將石抹宜孫曰：貧民迫凍餒，故相挺從盜。今錄其豪，餘可聽為民也。急則教為賊，非計。宜孫從之，因留幕。預謀議，盡平七縣反側。上功，授龍泉主簿，辭不受。已，宜孫移台州。海寇犯城，急檄溢，上集趨勇數百人，應宜孫，賊潰去。龍泉監縣寶忽丁貪虐，民不能堪，替導青田盜潘惟賢。

等合攻城。以其心寶。忽丁。忽丁走。溢與王毅召豪傑戰。賊
敗走之。忽丁既懼棄職。獲罪而愧。溢等功。乃使人刺殺毅。
且將及溢。痛毅死。檄府帥兵還擊之。忽丁又走去。時行
省移且孫分治處州。溢授方畧千戶。曹勝安。盡平松陽之
寇。授松陽尹。復辭不受。尋討麗水賊。縛賊首。平土豪。周天
覺等散其衆。薦武德將軍。僉浙東都元帥府事。太息曰。吾
所將皆鄉里子弟。吾子弟肝腦塗地。吾因以為功名不祥。
又加辭不受。結廬匡山。自號匡山居士。己亥。太祖克處州。
溢避入閩。既束帛徵。溢與青田劉基。麗水葉琛。金華宋濂。
並謁。建業。四人一辭。天命無常。惟德是輔。上悅。擢溢僉營

田司事課兩淮田稅籍有等浙東始設按察司以為僉事
溢務存大体不胥上細故曰憲司百職儀表惟廉耻令不
犯乃擊持為能尋命還慶州代總制胡深入朝改湖廣
按察使時鎮撫回回怙勢作威輕重人罪庶其狀坐以法
境內肅然仍請屯墾荆襄廢地以轉餉北征上許之會淞
東按察使孔克仁僉事王璠坐事逮辭連溢上特原其無
他既而胡深攻閩陷沒建陽慶州邊閩震動群醜復作改
溢副使慶州鎮之溢謝曰昔在淞東司列皆泐罪而獨蒙
賜原已大過望溢死不敢復受加官至郡宣布詔旨勒兵
誅首叛者而籍餘衆為兵尋慶兵悉發成浦城適慶元寇

亂則部故所籍義兵擊走之。已處州山場賊吳清四著洋
賊周述帥降。復叛。旋搗定。溢子存道。初以元帥成浦城會
閩守將阮德柔以建寧來附。衆疑不決。溢請以存道原官
守之。至是詔令提兵從溢往。來為遊擊。溢疏父子相統非
制。請別遣。上不許。時賊蘇州周述卿遮掠平陽。瑞安傳道。溢遣子
存道造海舟。籍澳戶千人討之。十戶任惟賢不進。斬之。以
狗寇遂平。院判朱亮祖取溫州。軍中或掠子女。溢進曰。此
非將軍所宜。悉搜出。還其家。及吳平。入朝。上嘉溢。御儒臣
父子力于疆。弗後。諸將軍時議伐閩。溢密進以御史大夫
湯和由海道。平章胡廷瑞自江西。領李將軍文忠。威信素

馳聞從浦城取建寧萬全計也卒從溢議而處州餉圍師
歲徵十倍乃以溢議從舊額上即大位與劉基同拜御史
中丞尋兼太子贊善大夫上親祀社稷風雨還怒儀曹事不
測溢曰即禮官議未善陛下精誠自足仰格神明願賜寬
貸上意為解先是文忠入閩溢子存道便宜部鄉兵萬五
千從及閩平詔存道即以兵從海道北征溢持不可曰詔
書初許事平歸農今復調之是二信也上色不懌溢因請
故嘗為叛者籍為軍北征而寧其勿叛者以示信上喜曰
暨儒故能爾今溢還料兵而存道以處州衛指揮同知部
浮海北行會溢喪母哀毀甚營北宅親負土石感疾益深

卒年五十有六。上憫悼親為文祭之。溢居家有禮祭享合古則。益田以供祀。創義塾。立義阡。諸可以聳善扶義者無不為也。父未葬而盜焚其閭。溢奔抱父棺。火邊。成事。母備極孝養。宋學士濂曰。生我者父母。知我者三益。其相信如此。至洪武三年。存道征秦隴。取興元。畱守。夏將吳友仁來侵。擊敗之。改平陽衛。五年。從湯將軍出塞。至斷頭山。戰不利。死之。王毅字剛叔。六歲好讀書。貧不能致書。每就市。一覽輒記。嘗牧牛。掛書牛角。吟哦其背。父机命視春水濱。扶冊坐轎車。米成粉。不察也。覩周子太極圖說。曰。聖域有階矣。成名儒。嘗贊石林。且孫平閩盜八巢。定龍泉。不終。

論曰。蒙州承帛四以。溢之學博。不及文憲。而精過之。蓋章
向之習。非其所屑。弱冠時。已從剛林。悟得讀書本領。三辭元
爵。觀天者真。出處較伯溫。景淵倍光明。而規畫大計。或稍遜
青田一指。帝曰。溢儒臣。戮力勿後。諸將軍。度葉丽水。可與共帷
幄。宋謝不敏矣。格天歸農二諫。啓牖得休。子存道亦嫻
武畧。與景淵琛。咸殉國難。基子璟之節。可與並存。獨濂之孫
不飭。濂曰。知我者三益。吾願不許。

陶凱

陶凱字中立，浙江臨海人。生時有大星墜簷，光照室。比成童，讀書過目成誦，為文千言，汨汨若瀉，遲重不妄言笑。常夜歸，限大溪，忽有蟻舟，延凱渡。既渡，無所見，人皆竒之。里人疫，凱入其家，見有妖入甕，便與封識，棄水中。疫愈，晚宿三江病家。凱誦離騷，聲清越，以長病者驚汗而瘥。儀容步履有嚴有則，從學者甚衆。相者袁廷玉一見，驚曰：「後十年當為名臣。」元至元中，以明經除永豐教諭，不受。太祖起兵，訪凱，延上坐，與語天下大計，對曰：「兵法避實擊虛，願今積虛何在。」上竒之，每採用其策，尋別去。戊申，即大位，以書

徵之。凱逃不肯仕。上諭使者。凱不應詔。取九族首來。凱乃
出見。授編修。與諸儒撰元史。又撰洪武廣韻。授楚王經除
翰林。應奉文字。三年。超陞禮部尚書。請建奉先殿于乾清
宮左。上曰。焚香朔望薦新。若節序生辰。祭用嘗饌。家人
禮上從之。凱每議禮。與藁城崔亮相可否。亮亦有學識。善
論奏。四年。與吏部尚書詹同上宴。享九奏樂。章因屏絕。潘
哇不陳。久之。凱言。漢唐皆有會要。記載時政。及起居注。記
言記事。宜復其故。上從之。命與開濟作天下民籍。易見圖
凱資性過人。才識卓遠。初。進吳楚文。多激慨。中更亂。離去
居深山。文乃隱約。劉青田常為其詩歌作序。明興。應聘而

起凡稽古禮文事多凱論定。又兼領翰林院事。詔令封冊。歌頌碑碣。皆凱手。出為湖廣叅政。致仕。八年。召為國子祭酒。請老。復以叅政致仕。自称耐父道人。上聞之。怒曰。何自微也。上又常夢龍繞凱門。益疑之。先是凱密為弟中吉曰。汝可候我明年二三月。數將至矣。至期上遣高麗悞用符驗。坐與知罪。並死。凱有牌可免一死。不以自表。上尋悔之。楚王求師不可得。憤投金水橋下。于是按法官前不覆奏。及救王解衣履入水者。皆棄市。而贈凱太子少保。論曰。尚中立。生應列星。足跡所至。便能已邪。其不受永豐之除。審于觀運。而逃不肯仕。明奈何時。早已耐久矣。

田中矣。既受聘議，禮正樂設，左右史灼天下民籍，是其所學。足以磨拭治平。若夫文多隱約，本于夫子殷人之義，而故時論所不許。已修撰答祿，與權著書稱河上翁，上六為著辯，與凱大官卑職，辯同示不可意。國初防偽之嚴如此。凱可以免死而不請，自知數盡，不過二三月，其即初觀運之所審歟。

陶安

陶安字主敬當塗人貌癯而內蘊機畧博涉經史精易筮
有大志嘗以王佐自負人未之許也舉元甲申鄉試戊子
試禮部不第極明道高節書院山長講兼洛閩閩之學乙
未上取太平與者儒李習出郭伏迎言機亂救民大畧且
曰金陵形勢可都上聽之畱參幕府為都事丙申從克金
陵陞左司郎中時劉基宋濂等四人應詔徵至使安第五
之安頌首曰臣謀畧不如基學問鮮及濂治民之才不及
溢與琛上以安非謙益重安克武昌使守黃州政務一新
改知饒州寬賦省徭招徠流亡民悅服乙巳闔賊蕭明攻

信州急。安往協守。登城諭賊。上曰。使皆如太守。何至是。即城破。不敢相害。會行者。援兵至。賊大敗去。諸將請屠諸從賊者。安曰。民為賊所脅。非其意。不問。吳元年初。置翰林院。召為學士。知制誥。修國史。時開禮樂二局。徵宿儒集議。禮制安總裁定。修律為議律官。洪武元年。上與儒臣論學術。安曰。道之不明。邪說害之也。上曰。誠如卿言。戰國縱橫之策。往。上事未就。國隨以亡。賈生仁義二字。誠可思繹。安頓首曰。主臣。時御史有言安隱過者。上問。即何知之。曰。聞之道路上。曰。御史取道路言。毀譽人。乃以為盡職乎。立黜御史。出代汪廣洋。參政江西。安辭。上曰。承流宣化。非武夫所

辦。朕非私卿。既至任。寬仁達吏事。政績益著。凡四年。疾卒。
遺草上十二事。贈姑孰郡公。弘光中。追謚文憲。安國初。諸
禮多經訂正。大祀禮專用安議。禘祭禮定於唐同。齋戒禮
朱升五祀禮。崔亮朝會禮。劉基社祭禮。魏觀軍禮。陶凱安
有二子。昱。晟。昱為浙江按察使。貪信用。輕薄小吏。上并昱
戮之。其家四十餘人皆發戍。州司逼索安。繼妻陳。上裹帛
入見。上猶呼為嫂。惻然曰。朕渡江之初。安首陳機務。功在
彛鼎。所應成。盡赦之。李習。字伯羽。通性理之學。負經濟。領
元鄉薦。賊渾天儀獨工有聲。歸朝。擢知本府。精于治體。民
受其惠。吏不敢欺。

論曰。王佐二字。明唯徐中山劉誠意足以當之。諸未宜及
此。形勢在金陵可都。安初郊迎第一語。夫居重取輕。蒞
施令。故除和誠不足。鞭弭六合。初鄂國罔用。亦以此語敵妙
山。以專策初造。非以云長久不拔之基也。安講漁洛閑閣之
學者。而亦裕之乎。奉命第初聘劉基等四臣。咸以為不可
當。然讀書。贍机略。安不。得。不。與。為。五。笑。政。務。一。新。從。推。誠
所。暨。以。寬。仁。佐。律。尤。為。切。要。惜。早。世。不。竟。其。所。學。

宋訥

宋訥字仲敏滑縣人父崇祿元行臺侍御史追封魏郡公謚忠肅訥亦以元進士令鹽山兵亂隱居洪武二年徵儒士十八人募修禮樂訥事後不仕歸過元故宮作詩傷之十三年授國子助教尋拜學士上初幸太學訥為文碑之改文淵閣大學士年逾七十矣日見親信有所補拾嘗寒附火燎脇上為文警之謂脇與脇聲近即恐不能協上所致訥皇恐謝明年改國子學為監訥代吳顥為祭酒而令曹國李文忠領監事助糾繩訥身言並教寢食學廂不輟一時士皆適用訥老多病上曰宋祭酒骨格可長年欲數

見恐奪其事命畫工圖其像。未會朝見上語訥。昨公服堂上何自有怒色。訥離席伏謝曰。一生獻茶踏失容。臣方自訟不意為陛下所知。十八年以雨求直言。獻安邊策大畧如漢法。本始中趙充國分屯綠邊。率五百里屯一將。首尾相應。遇敵則戰。寇去則耕。上嘉納之。著為令。時策士太學所得居天下三之二。尋殿試監生襄陽任亨泰對第一。詔訥為題名記。樹監門已而學錄全文徵。嗾吏部尚書余懌署訥。先致仕。訥陛辭上驚。乃召文徵與愼面。填文徵遂誣訥。更賊剋落廩膳。致生員餓且死。上曰。公侯為其子束脯于師。古好禮盛事。生員飢此助教。等不省錄之故。祭酒提

大綱而已。文徵與愼皆坐誅。圖形而暴其罪。慰訥復位。二十三年疾甚。以方丁社齋廂。房子麟託監官請釋廂房歸。訥厲聲不許。而祭甫畢。至邸卒。訥在監時常浴於池。上問之。對曰。吾不辨薪。上乃賜太學買薪錢。而號其池曰浴賢池。故事。文臣四品無給喪費者。給自訥始。仍行人祭於其家。予塋。是後諸生守官稱職者。多出訥門。或連舉大魁。帝勵後祭酒。必曰。宋秀扣也。功正德中。追謚文恪。所著西隱集二十卷。子麟。以進士監察御史出。主望江簿。奉旨入朝。侍訥。次復祖。邑訓導。擢為司業。上嘗特勅。以匿名謗師長者。報人賞銀百兩。犯者。凌遲死。沒產。以訥故。

論曰太祖崇文過前代。經始太學。臨視者數。而訥能其
官。所云身言俱教者是矣。帝不以過。元故宮詩。輒二納。
乃或以其不忘。故人益重。訥。圖像。使日覲。察興居。悉較。
旁求。板築。又屬一格。昔以夢賚。形求。此恐荒經。為形。晤
也。而疾訥者坐苑。并令圖形。示善。夫邪正。着相。咸不朽。
哉。屯邊之策。果世奉。以命不衰。何至其後。用賞。款加。派
班。練諸弊政。而反以窮邊也。訥學有寔裨。豈是腐學。廂
但。白雲。茅屋。老者哉。

吳沉

吳沉字濟仲，淞江蘭谿人。父師道，元禮部郎中。國初，沉累辟為訓導，不就。王宗顯知婺州，辟沉及朱廉、徐原、教士、洪武十二年，除翰林侍制，陪議論。是時，學士濂最親重，其他諸儒次莫若詹同及沉、劉三吾等，頗得將順稱旨。踰年，降編修給事，鄭相奏尊無二上，稱臣于東宮，非體。沉駁之曰：「國之大本，尊安得異？」上然之。命畫工繪沉像賜之，示優異。復陞侍制，以應對失旨，改翰林典籍。晉東閣大學士，上將享太廟，致齋，武英啟謂沉等曰：「君能敬天，臣能忠君，子能孝親，人道立矣。」其摘古類編三事為書，成賜名精誠錄。

沉為撰序。尋以進講後期。降侍書。時方興文事。沉獨謂兵不可廢。言武經七書多依托之言。惟司馬法與孫吳為可信。且曰。兵生人也。非殺人也。德亂也。非為亂也。尚義也。非尚詐也。遂纂易詩書論孟詞義涉戎事者。定為五篇。一曰兵象。二曰兵用。三曰兵禮。四曰兵詩。五曰兵訓。挽題為六經師律。十九年。致仕卒。沉嘗著辯言。孔子封王。為非禮。是後布政夏寅。祭酒丘濬皆主其說。并欲去謚。至嘉靖中乃行之。

論曰。國初徐常兵法不傳。以意變化。乃合古則。帝亦精兵。而以敷文意重。遂使後世兵制不精。不克起衰。觀古

詩書歌咏中興。必以楚代。所重可知矣。沉以講官。獨謂兵
不可廢。欲使文武互重。灼此料數百祀矣。太祖嘗云。孔子
以道德教後世。豈以職位論封王非礼。乃何至嘉靖中
始行之。豈以元舊不易。更始歟。洪武中文班。兩圖一
宋祭酒。一吳編脩。於人臣。猶欲傳其像。而輒廢孔廟。士
儻之舊諒。有未能矣。按國初。帝皇廟及功臣廟。皆用元
習。已使必去。型而生。將一概更之。煩繁重。以是嘉靖
後。孔廟制。猶有未遵者。

賢○以○對○必○去○堅○而○主○併○一○群○更○心○戰○驚○重○心○異○毒○前
 醫○上○書○轉○亦○未○指○先○辨○國○亦○帝○皇○帝○以○心○宜○或○可○不
 宋○終○既○一○吳○政○辭○米○人○且○辭○務○身○其○樂○所○輝○泉○非○廉○士
 故○行○上○豈○心○元○意○不○屏○更○故○樂○共○加○中○去○此○兩○圖○不○一
 心○虛○然○然○能○甘○豈○心○謙○血○結○陸○王○非○亦○不○同○至○無○盡○中
 不○可○直○然○然○身○之○角○定○重○故○作○操○履○百○味○矣○太○既○嘗○正○以○之
 尚○書○精○如○中○興○心○心○然○外○而○重○可○味○矣○然○心○舞○亦○張○節○未

吳伯宗

吳伯宗名祐，以字行。江西金谿人。父儀，元季鄉薦，世稱東吳先生。講學受徒，著稗傳及類編五倫辨三書。大深于春秋，嘗言世有楊子雲，其將好之矣。壬辰，寇起，集鄉黨自保。入國朝，其太守聘起之，加辭卒。伯宗十歲能文，舉洪武庚戌鄉試第一。府判官王黻夢鄉解，當復為狀頭。明年廷對，上親製策問，伯宗條答稱旨，果擢第一人。時初開科取士，伯宗儀現儼恪，應對明辯，上甚喜，賜袍笏，授承直，即禮部員外。與學士宋濂等同修日曆。時胡惟庸方用事，羅致廷臣入其黨。伯宗亢直，不為屈。惟庸中事，謫居鳳陽，上書

論時政。并言惟庸專恣不可獨任。中書上得奏。輒召還。使
安南。獻馴象。除國子助教。進講東宮。首陳正心誠意之說。
改翰林典籍。御製十題。命賦之。立就。詞語峻潔。陞太常寺
丞。轉國子司業。皆辭不拜。忤旨。貶金縣教諭。至淮安。召還。
為檢討。拜武英殿大學士。以弟三河知縣仲宴薦舉不實。
坐降檢討。十七年。坐文字進不以時。請雲南。卒。所著有
宮使交成均玉堂三集。

論曰。吳金鎔入判官。吳黼之夢。領御薦。浸及第。為開科
第一。誠所為夢。養者哉。太祖不屬文。率自師。乃所手拔。
果負峻潔。審誠正之學。時惟庸手炙人。而祐抗不為。詘。

難於傳說當時矣。以豈慮他日漸其党。預自遠哉。蓋燭奸
亦有其獨絕也。相傳世遠後苑地有死孩之首。上問吉有以
此否。伯守倉卒不能對。上怒曰。君問臣。臣不對。於乎。時上好
用隱事。難儒臣。亦以伯守學淺謫。竟付詔獄。死。按寔錄稱
卒于官。或曰諱之也。

韓宜可

韓宜可字伯時浙江山陰人元行臺御史辟為掾不應洪武初以歲貢歷拜御史持風紀十一年左右都御史陳寧胡惟庸中丞涂節方侍坐宴語宜可直前長跪出彈文袖中劾三臣險倭怙寵反側請斬首謝天下上大怒罵快口御史坐排階詔獄尋出之釋三臣不問然上心已領之矣尋擢宜可江西按察僉事時中都役作官吏罪笞以上悉輸發宜可上言刑以禁淫慝一民軌今不問罪如何悉服賤役小人之幸君子殆矣上嘉納十三年入朝上以沒官男女散入諸司為奴宜可獨不受曰罪人不孥古之制也有

事隨生法之濫也。官吏有罪，厥辟勿宥。國之經也。經不可

廢。制不可違。濫不可則。上是之。著為令。後坐事當辟。忽雷

震。殿廷上驚悸。詔免之。雷息。上封事二十餘條。皆報可。未

幾。罷歸。復行取。嘗作鍾山大江文以獻。諭日本烏巒稱旨。

除山西布政使。二十一年。坐事請安南。尋薦起雲南叅政。

陞左副都御史。以鋤奸顯忠為己任。百僚震肅。忽大星隕

地。樞馬皆驚。是日宜可卒。

論曰。吳狀元謫中都。直言惟庸專恣。以時便。以付吏。後

無胡黨。既伯宗得召還。而惟庸不省。宜可彈文。袖中一口三鄉

皆帝所素心。可比青田憤轅破犂之論。胆識更絕。其快口奪

迅○雷○聞○天○卦○坐○詔○獄○尋○亦○赦○出○帝○似○不○真○為○惟○庸○所○用○然
而○為○伯○時○宜○可○之○續○者○迄○無○人○則○爪○蔓○所○自○來○也○坐○辟○得○震
雷○而○生○比○于○元○公○夙○雷○之○悟○其○如○星○之○墮○地○何○也○雷○以○生○之
星○以○死○之○帝○不○能○生○死○宜○可○哉○

吳良弟楨

吳良初名國典，弟楨初名國寶。上為賜今名，定遠人。兄弟俱以才力稱。良能沒水遠，撰口容拳，而楨恒異服為間諜。太祖起兵，兄弟咸附。凡戰無不從，以功進鎮撫。既下周、江、陰，以指揮使領兵鎮之。士誠據姑蘓，跨有淮東、浙右、江陰、踞江口，當往來要衝，而士誠多變詐，每以金帛啗誘我將士，水火奔突，常出不期。良行上諭之曰：「良唯誠可以破詐。」爾約東士卒，毋外交，毋納遁逃，毋逐小利，保境安民。惟尔功，戊戌復命，其弟楨守。是秋，擊敵侵，俘數千人。拜樞密院判行分院事。明年，士誠盛兵廛境，良遣楨率部將王忽。

等身北門當敵捷分兵出南門合擊敗之拔常州間道
周兵於無錫之三山敵狼狽去召至京勞之命學士宋濂
歌詩以志其功還守江陰周人不敢望金焦一步乙巳士
誠以兵突馬駝沙則縱兵至子門夾擊大敗之太祖喜曰
嗟良吾吳起哉良在鎮仁而有勇屯田平稅集遊惰獎名
節新飭士習絃誦藹然臨軍不妄殺而罰無赦故下皆畏
愛之至其自奉聲色貨利泊無所嗜居守凡十年與長興
宜興常州氣聯絡敵不敢逞丁未克姑蘇移良并鎮僉大
都督府事論功封江陰侯食祿一千五百石世券五年為
征南將軍討廣西叛蠻盡平其地移兵入銅鼓五開踔騰

浪諸溪洞。蚩彞畏威懷德。輸祖奉法。八年上移江南民十
四萬田鳳陽。良與李善長等督其事。十二年納其女為齊
王妃。留青州三載。卒。贈江國公。謚襄烈。祭功臣廟。長子高
嗣侯。尋有罪。調征龍州。燕兵起。高守遼東。與楊文數攻永
平。燕王患之。乃遺書盛譽高。故易其函。誤投文所。文以書
聞。帝果疑高。削高爵。徙高廣西。獨文守遼東。竟敗。永樂中。
高終以前故被劾。編民江陰。竟奪券。謫戍海南。宣德十年。
子昇乞嗣。不許。楨字幹臣。以戰功陞天興右翼副元帥。副
良守江陰。從取湖州。勒奇兵出舊館。扼之。留戍。吳元年。平
士誠。進僉大都督府事。副湯將軍討方國真。引舟夜入曹

娥江通道夷壩出不意追國真至盤嶼國真降移敢福州
圍其西南水却三門一鼓克之明年破延平擒陳有定閩
海平洪武元年燕太子左率府副使明年安輯慶陽封靖
海侯食祿一千五百石世券尋以事奪侯復之發兵東戍
定遠總舟師轉餉七年海警復領沿海各衛兵出捕收籍
方氏故兵遂有挾私怨蔓引平民充籍者瀕海大擾寧海
知縣王士弘上封事言狀上即日詔罷之時往來海道總
理軍務寇亦遁跡疾作還京卒贈海國公謚襄毅五子忠
襲封堅衛鎮撫

論曰固長興十年而使金陵得專西顧江陰鎖鑰較古北

門並殷矣。上諭良教語，直比三代以上。咨命而良與禎能奉
行弗二，而何難。逆底粵西之績，古功名有因其地。稱
其所用，有因其人。人互濟其所長，李曹國胡越國共事。
尚抵牾，煩調解。合兄弟為一將，則又將之變也。夫相傳良
好殺，或以庖丁不任使，廢之乃賜良御，對首項一金牌以禁
其怒。良兄弟自是後，高二起，測青田厲之。

朱亮祖

朱亮祖六合人。元季團結鄉里自保。勇冠軍。授義兵元帥。帥其黨掠江東。與太平州官構仇。太祖下太平。亮祖懼。使人納降。仍故官。已復叛。據寧國。數敗我師。俘去七千餘人。太祖方東顧建康。未與決也。及建康下。并下毘陵。乃遣徐將軍討之。常遇春等俱被創而還。于是上躬往督戰。縛之以歸。亮祖厲聲曰。丈夫功不成。死則死。上壯其言。拙三簡釋之。留麾下。以功陞元帥樞密院判。克九江。下南昌。大戰鄱陽。平武昌。陞廣信衛指揮使。合胡深討陳友定。取浦城等縣。乙巳。授諸新城。焚敵營落數十。會攻桐廬。降杭州。陞

浙江行省叅政吳元平帥師敗方國真追至黃巖進兵溫州走國真子明善克其城上以浙閩既平命副廖征南由海道取廣東進平廣西師還封永嘉侯食祿千五百石世券四年上以諸將伐蜀久無功復命亮祖為征虜右副將軍率兵往勦分狗州縣之未下者還與何文輝同鎮北平移鎮廣東番禺知縣道同上言亮祖不法數十事上念功臣不付吏罷居江寧尋遣巡淮安奏安東沭陽二縣之野有鬼夜持炬者數百或城列或散走擊之若有應者詔亮祖以勅文祭之乃息十三年生胡黨治不服上怒并其子指揮暹鞭之俱死

論曰。叛將漫歸。迄無成績。胡美。甥康泰。究不能自見矣。朱永
嘉之二寧國。徐常被創還。頗傲。乃以三簡赦之。歷茂績封侯。
究以道同一語。借胡黨嗚呼。不借皆可以不黨者也。而帝或
猶以其初叛。故寔錄諱胡黨。稱亮祖病卒。又云子暹以智勇
稱有功先奉。

華雲龍

華雲龍定遠人才勇善劍術元末兵亂結寨韭山從太祖以千夫長渡江克金陵合破廣德周湯元帥善禦疾馳下雲龍按劍躊躇一舉斷其槩輒擒之陞右副元帥凡戰皆從每先登歿卯瘞友諒還上坐西花召雲龍等諭之曰凡陣勢或圓或方或縱或橫歛合布散倏往忽來常使莫測善用兵者以少為衆以弱為強逸已而勞人伐謀而制勝運乎陰陽行乎鬼神雖有勇者莫能施其力智者莫能用其謀以正應以奇變百戰百勝之道也雲龍等伏謝曰謹受教大將軍北伐番守樂安破元都陞都督僉事副孫都

督守北平仍兼其路恭政下雲州陞都督同知兼燕府武
相封淮安侯祿千五百石世券再出雲州俘獲多進至上
都來勝擊敗驢見國公北奔去初元都破其達官女多與
我師為婚殘鹵頗倚之為間上令舊仕于元者悉發遣江
南有未發者檄趣之雲龍奉詔稍遲上怒又聞其挾元丞
相脫去大第借用故宮器物益怒召還未至京卒以侯禮
葬子二曰忠曰關浚坐胡黨以先卒免

論曰淮安未至京而卒使其未貴白首閭閻無是也夫

吉安仲亨臨川美景川震南雄庸而外即鷓慶張

翼普定陳桓會寧張溫已不得強附涼國獄版况其

丁德興吳復 妻楊氏八閨懿目中

丁德興定遠人。甲午來歸。上偉其才貌。常以黑丁呼之。授萬戶。與郭英俱典親軍。攻洪山寨。以百人鼓勁兵七千虜其帥。自是每戰皆先登。陞管軍總管。先是徐達邵榮攻宜興。久不下。德興分兵絕太湖餉道。拔之。授鳳翔衛指揮使。敗友諒于龍江。搗安慶。克九江。援安豐。皆從有功。大戰康郎山。友諒死。克廬州。進征湖南諸州郡。克高郵淮安。下吳興。降李伯昇。圍姑蘇。卒于軍。肖像功臣廟。追贈濟國公。德興師有紀律。不妄殺有功。不伐。上常與諸將論征伐。迄難處。必曰。乃煩吾黑丁。可其見許如此。子三人。忠。授龍江衛

指揮使世襲浩。景。恩。賜守莖。浩子廣。上。子富。世食田祿于江寧。弘光初。追謚德興武襄。

吳復。合肥人。沉鷲有識畧。時左右弼起。據廬州。為鄉保。推復為千戶。太祖起兵濠右。率眾來從。常為先鋒。定江東。攻鎮江。追奔元平章定。斬之。克常州。陞統軍元帥。與湯和協守。連敗周士誠。救劉福通。安豐。從征陝理。還。從將軍達團廬州。先登。擒其驍將樓見張。陞鎮武衛指揮同知。移守沔陽。明年。常將軍進定襄漢。復自沔陽倍道趨安樂。擊元同僉任亮。復以是聲震。改衛指揮同知。從守安陸。從定淮漢。迤北。未附州郡。進階懷遠將軍。陞衛指揮使。復。時守安。

陸十年威行襄漢。七年，召入，為大都督府僉事。世視北平，從西征土番，遂封安陸侯。食祿二千石。世襲指揮使。後從穎川友德征雲南，晉守普定。後築新城于水西，勅復為總兵官。副以平涼侯，勅捕群蠻，窮其巢穴，遂開閔索嶺路，還接普定，通糧盤江。以濟大軍，築城貯糧，軍需無缺。大軍未返，復卒于水西，贈黔國公，謚威毅，尋賜券誥。世安陸侯，食祿二千五百石。復為人寡言笑，臨陣憤發，無堅不潰。衝冒矢石，体無完膚。守普定時，買妾楊氏，年十七，及復卒，楊恸哭已，沐浴更衣，自經死。詔封貞烈淑人。十八年，子傑以指揮嗣侯，屢出練兵，從征。二十八年，同吳高有罪，勅從楊

文征古州建功自贖建文中率師援真定敗績白溝河謫

南寧指揮使永樂元年子璟乞嗣不許

論曰有犯律不踐不伐大將之選矣黑丁無不可在帝屈

指中卒不盡其用為可惜安陸漫從越兵有勞德兵水西尤

見偉畧負戈而能果其勿妾死奇

[Faint bleed-through text from the reverse side of the page, including characters like '安陸漫從越兵有勞德兵水西尤見偉畧負戈而能果其勿妾死奇']

康茂才

康茂才，字壽卿，湖廣蘄州人。通經史大義，事母孝。元末，結義旅捍敵，元授長官。復九江，搗蘄水，黃達寨，轉蘄州路。同知。歷淮西宣慰使都元帥，屯兵和州之峪溪。乙未，移戍采石，絕我滁和聲息。常過春以游兵抗之，設伏殲其精銳。且盡茂才收潰散，堅壁天寧州。明年，戰敗，走建康。建康下，欲奔京口，舟師追及之，率餘兵三十陣，投秦淮翼水軍元帥。統所部守龍灣，取馬駝沙，走周士誠，獲其樓船。戊戌，從攻池州，取樅陽，遷都水營田使。太祖曰：「此兵亂失耕，特令爾官其事。」屯田大獲，兼總制親兵副指揮。友諒既破，姑熟盛。

兵下建康。上以茂才素與友諒善，密諭偽致書漢約降。為
內應，以速其來。其老閭舊嘗事友諒，奉函密往，書言朱
某假突號，竄孤兵弱地，感左右不得，卽福通豈能越江為
援，僕委身坎阱，欲奮披鱗翼，惟明公鄭若大軍分道速進，
便當獻江東橋一效。馬篤友諒得書大喜，厚賜閭者，答書
功成上賞，遂以兵競進。夜劫江東橋，呼者康不應，得
空營。大驚曰：「老賊緹我。」於是伏兵四起，遂大破走之。太祖曰：
今日之勝，康總制紹漢力哉。辛丑，拔江州，敗友諒八指揮，
降二萬餘人。明年，復龍興，滅漢有功，歷大都督府副使。從
取秦州，逆士誠，巫子門，敗之，獲士卒三千。搗淮安，拔水寨。

逼姑蘇。大捷尹山橋。縛士誠。陞同知大都督府。洪武元年。從北伐。鎮河中。招降絳解二州。令守陝江。塞潼關。秦人不敢東。已。父拔潼關。郭子興守之。上曰。秦李思齊。張思道。即勇。不能于定。西。遂取興元。召還。卒于陝州。追贈蘄國公。謚武襄。子鐸。以父功。封蘄春侯。食祿千五百石。子世壽。督民開荒于鳳陽。十年。征辰州洞獠。平松壘。諸州有功。復從大將軍。連北征。既還。從征雲南。克普定。破華楚山等砦。卒于軍。追封如父。謚忠愍。子淵。澄。皆幼。淵優給。充散騎舍人。已而。革剝服。勒居山西。子勝。上子永。累乞嗣。不許。

論曰。武襄甫歸。去天寧之戰無幾。始書一事。舉國而授。

之保無此間為彼間乎倘闇者變金陵氣奪欲以康將
軍嘗漢康將軍非不忠漢可因計而取也闇者不負武襄則
更難之難矣吾服太祖睿算不在信武襄堅而在信武
襄之闇者不負武襄堅

爾蓋亦與爾士平歸原州既戰平對靈新所存也對琳大
海寨不難也以此杜練春野食歸平也蓋本平也春營更
惠本強年安商感現與不召也平也對所也無離國必歸
頗味曰夫於對開據也與平士也平也也香聚思並耶
好此好無何中此物極稀一州本在與六塞重開秦人不
聖故莫大於也此極難士細到同賦大勝會報共先天下

胡美 梅思祖韓政黃彬
陸聚曹良臣

胡美初名達瑞、避國諱、改湖廣沔人、仕漢友諒、為江西行
省丞相、守南昌、太祖既下江州、間招美、上欲降、同僉康泰
者、美之甥、與平章祝宇皆不欲、美強二人從、請各還故部
曲、私以安、宗泰、太祖賜書慰籍之、甚至太祖如南昌、袁州
守將黃彬亦來就款、久之、宗泰反、事平、以美故宥泰、及即
帝位、授美征南將軍、總大師、平閩、進中書省平章、燕同知
詹事院事、其後上叙諸將功、謂持兵負固于兩間、可觀望
而不見、望來歸者七人、美與彬與焉、七人者、左君弼、據廬
州、揚璟、自合肥至、小明王都大梁、韓政、睢州至、曹良臣、安豐

至張士誠奄有淮甸陸聚以徐州守將至梅思祖以淮安
守將至獨美與楊瑛有一面勲環良臣別有傳彬聚皆以
叅政仍守故州歷功俱階中奉大夫思祖初從趙均用元
王保上醢其父均用死從周士誠既而歸我士誠復削其
弟數人上憐之特授大都督府副使洪武三年論功封七
人皆列侯美後改封臨川侯二十六年卒政守山東征河
北數有功封東平侯十一年卒贈鄂國公思祖汝南侯守
雲南善撫輯民彞安之十五年卒彬置春侯聚河南侯美與
政思祖後皆坐黨事戮其家彬聚亦與坐得原宥亡何卒
論曰美才大能下閩當自善漢邊而遽以南昌入版審

友○諒○輕○故○不○成○而○于○是○以○南○昌○怒○友○諒○假○友○諒○躁○友○諒○致○
友○諒○而○友○諒○卒○坐○是○以○窮○臨○川○歸○而○漢○敗○形○見○矣○其○功○不○与○
七○人○俱○可○觀○望○而○不○觀○望○七○人○共○之○矣○臨○川○坐○亂○宮○而○奸○黨○
錄○乃○曰○胡○党○拒○叛○遂○有○張○良○臣○無○張○良○當○也○

納哈出

納哈出者、元木華黎裔孫也。上之初下太平也、納哈出時
為元萬戶、典兵被俘、上以其名家子、善遇之。而納哈出常
鞅不樂。上使私察其去就。納哈出求歸。徐將軍達阻勿遣。
上曰：人臣各念其主。竟資遣去。納哈出得歸。久之。據金山。
有衆二十餘萬。孳畜富于元主。三分其部。曰榆林。曰養鷲。
莊。曰龍安。一禿河。元主官之太尉。不預朝會。洪武四年。元
平章劉益以遼東來降。而納哈出抗保金山。與平章高家
奴等時出沒遼東塞下。劉益故党洪保。乘間殺益。走徙
納哈出。上乃以馬雲葉旺為都指揮使。往鎮之。已而高家

奴等相繼降。上遣萬戶黃疇齎書往諭納哈出。納哈出殺疇入寇。蓋州盡清。其野壁不與戰。納哈出亡。所得趨攻金州。金州指揮韋富與戰。擒其裨將。乃刺吾納哈出失利。且欲退走。馬雲等設伏大敗之。于連雲島僅身免。上固欲服其心。遣乃刺吾北還。予書再讓。納哈出使自投款。而命宋國公勝率列侯步騎二十萬隨其後。勝至通州。謀鹵有屯慶州者。遣永昌侯藍玉輕騎乘大雪掩之。殺其平章朶朶納哈出。欲遂棄金山北走新泰。上密勅勝乘其無備。以兵促之。勝遂渡遼河。徑歷金山。而是時乃刺吾還至松花河。得見納哈出。備述上所以遣還德意。納哈出喜。即遣左丞探

馬赤至勝軍。馱馬勝大軍前。逼敵部。將全國公規童耒降。納哈出。因亦遣人詣轅門。馱款。上所部官屬。將較金銀銅。印百金銀。帟符牌。面百二十五。王九。國公郡王四。大尉國公五。行省丞相一。司徒平章十三。左丞右丞三十一。叅知政院三十二。各院副使同知副樞八十一。僉院七。判二百八十院。副使五。宣慰使副使僉事百八十九。萬戶千戶路府州總管同知等官九百二十七。尚書叅議二。丞。旨學士十。文學司馬七。大卿司卿少卿十八。衛帥府僉事三。郎中員外十五。王府六。蒙右府八。衛使一。客省大使二十六。燕訪司使副。益運司使副六。衛帥司使一。治書安撫司農各一。

大少監理問斷事部郎中主事兵馬指揮府衛鎮撫崇福
司使副經歷都事太醫院及州縣等官二百二十二將較
千四百餘人皆元遺臣勝以副將軍王往受之酒酣互讓
至爭鄭國公茂直前徂擊納哈出傷其臂不得去引見勝
下階慰謝盡降其衆至京師上封納哈出海西侯食祿
二千石而乃刺吾為千戶明年從傅將軍征雲南至武昌
卒改封其子察罕瀋陽侯坐党死

論曰太祖于勝國歸其太孫崇札侯在戊申開國之後
俟其心輸也而資遣海西乃在渡江之日蓋已知納哈
出之才必為元主所重任急摧之恐以勤元之南顧也

以○為○地○日○內○應○即○匪○內○應○而○或○可○以○講○邊○慮○至○淵○深○矣○
而○不○意○竟○總○三○韓○自○乃○刺○吾○之○言○入○則○猶○以○太○平○不○殺○
之○故○欣○觀○明○季○料○關○東○殫○智○力○不○辦○而○此○必○繼○而○攻○之○
却○如○寄○非○然○者○國○初○勢○處○極○遠○師○露○而○餉○難○集○彼○閑○關○
者○我○而○以○餘○力○窺○諸○邊○肘○脅○之○患○猝○未○易○拔○全○勢○未○可○
必○也○而○幾○以○涼○鄭○二○國○之○故○敗○之○宋○國○受○降○成○功○不○為○
不○高○而○以○茂○訐○咸○誣○何○歎○未○也○元○臣○才○智○之○習○內○地○者○
時○不○行○北○幕○徃○就○海○西○海○西○歸○和○林○無○人○笑○然○則○他○
日○塞○外○諸○捷○猶○宋○國○之○貽○之○也○而○論○功○者○不○及○此○

李思齊妻鄭氏

李思齊字世賢河南羅山人至正壬辰汝穎兵亂江淮諸罷
皆殘破思齊奮義兵破賊元以思齊知汝寧府丁酉敗崔
德李武于同華等州陞四川左丞壬寅攻張良弼于武功
不利明年李羅帖木兒遣竹貞襲據陝西思齊與擴廓帖
木兒合兵攻貞降之加平章政事邠國公丙午乃與擴廓
有隙元令開通川蜀道不奉詔擴廓遣兵西擊張良弼思
齊與良弼連兵拒之洪武元年與張思道駐兵潼關以拒
我師既而都督馮勝進兵思齊棄關走鳳翔上以書諭之
曰足下昔在秦中與張思道擴廓等較德度力差易為功

不乘時圖秦自王坐失事如今與足下相持解都皆執
靡竄伏而欲以孤軍自立豈有濟乎足下不守鳳翔勢必
深入沙漠非我族類其心必異倘變生肘腋孑然孤弱豈
能至不能相保足下汝南之英祖宗墳墓所在獨不一回
顧乎思齊得書猶豫其養子趙琦等勸與西入吐蕃及勝
師至果率所部十餘萬奔臨洮大將軍逼臨洮乃舉其衆
以降授江西行省右丞不之官食祿京師時擴廓尚為邊
患三年從大將軍北征有功進中書平章後征大同次代
縣得疾還京七年卒妻鄭氏亦有縊死追贈淑人謚曰貞
子世昌金吾右衛指揮同知

論曰。思齊棄潼關。安得久。鳳翔乎。曰。通問使不遺。意何
為矣。此時元勢大壞。擴廓與孛羅二一錯。思齊與擴廓
一再錯。即思齊豈思閉門而圖黃屋。不大將軍之先臨北
有老吐蕃耳。食祿京師。防其復悖。從征擴廓。借其餘恨。
帝算之于闕中。非偶然也。有事大同而疾歸。處疑也。

何真

何真字邦佐，廣東東莞人。少英偉，好書劍，美鬚髯。吐音如洪鍾。仕元鹽場勾河源縣務副使。嶺表騷動，棄官歸。時頑民王成、陳仲玉搆亂，舉義兵討之。擒仲玉，成尚負固，募人弗得，成者鈔十千，未幾成奴縛成出，真釋成，輒與奴賞十千。已令具湯鑊烹奴，使人號於境曰：有如奴縛主者，視此。于是人歛其賞，尉惠州人黃帝叛，振惠貪暴，衆慕真義，迎以守惠。真遂常戮其黨王仲剛。元即以真為惠陽路判。同知廣東都元帥事。真因撫有梅循二州地。已而元庶訪八檄刺不花，擅據廣州。諸邑豪競逐其長吏，應之起。而三山

盜邵宗遷假義旅挑撒刺殺之。復陷廣州。真率衆一鼓復其城。宗遷走還三山自保。元擢廣東叅政。進左丞。分省廣州。弟迪以功擢宣慰使。尋轉江西福建併治。改拜真江西行省左丞。仍治廣州。真延名士孫贊王佐等參謀議。有陳符瑞請為慰佗之計者。輒戮之。時有德慶人李實豪健。擅保瑞州。真招之與合。互救援。乙巳。宗遷故不忘真。密間真部將馬丑寒叛。據博羅。真往討平之。宗遷來便復襲廣州。真還攻。城中人開門應真。宗遷沒走去。進右丞。東連湖惠西連蒼梧。皆真保障。洪武元年。上命將軍廖永忠率師取廣東。先馳書諭降。真知天命。有婦率父老編素持罪子帝。獨

廡遣都事劉朝佐奉圖籍輸款入朝。授中奉大夫。江西行
省叅政。真蒞官有德有威。風行建。而主于寬厚。請以子
貴參侍東宮。授貴北城兵馬指揮。十四年。真及子貴同往
雲南規畫糧餉。開道以候大軍征。進還陞山西右布政使。
十六年。致仕。起受命往廣東收集土豪三萬餘人。拜子貴
明威將軍。鎮南衛。指揮僉事。沒官其從子三人。遷浙江。調
湖廣左布政。二十年。復致仕。上追念其來歸之誠。封東莞
伯。祿一千五百石。于世券。明年卒。先是相者曰。公才兼文
武。霸王之器。惜生南方。微帶火色。位不遐封矣。真歸國。夙
夜寅畏。唯謹。上推心勿疑。故能以功名終。子八。紫字。輝先。

讀書有文名。襲封以蓋黨。視爵。迪反海南。捕得。伏誅。次貴。字春先。常侍皇太子。有學行。歷指揮僉事。次宏。多彥先。尚。實司丞。皆死于黨禍。李貞。隨真。歸命。歷尚書。授資政大夫。為靖江府右相。和光初。進。贈真。東莞矣。謚恭靖。

論曰。東莞武畧不下陳友定。然其務威德。飾以儒術。友定不及也。而友定烈以謝元。余故外友定而內東莞。外之者不內之也。內之者不外之也。果如相人阻五嶺而圖霸業。或亦可為。而真無其和要。亦非其志也。以寅畏功名。終可為馮博諸公師。

甯正張溫

甯正字正卿壽州人少為韋德成養子洪武中德成從征有功戰歿宣州贈京兆郡侯正襲職代領其衆歷功擢鳳翔衛副指揮使從下中原山陝功最三年鎮河州吐蕃來寇以兵逆之阻河未冰不得渡正祝曰天意破賊河水當合忽有冰如巨屋自上流來須臾合且堅正直搗鹵營鹵不意大驚以為神俱投戈降尋招土酋趙琦及孫平章祁院使等悉與衣冠厚遺之自是諸部土官相率來附請西邊以綿布及茶易粟給各衛便軍需詔從之自是河州遂為樂土陞西安行都指揮使總轄河州朵甘烏思藏三衛

九年、復姓甯氏、從鄧將軍征川藏、沐將軍征西蕃、皆有功。
十三年、兼領寧夏衛、脩築漢唐舊渠、屯田數萬頃、兵食以足。
十四年、復從沐將軍北征、至上林、多斬獲、從經畧公主山寨、取全寧四部。
十五年、移討松茂等州西羌之未附者。
十九年、復從沐將軍定刁思郎等亂、又平東川叛蠻、久之、西平侯英卒、詔授左都督、代鎮雲南、為平羌將軍、總陝西四川兵、討平階文千戶張者之亂、從秦王克平番寇、還京、卒、擢其子指揮使忠為前府都督餘事。

張溫、以指揮守蘭州、洪武二年、元將王保、伺大將軍達南還、十萬突城下、圍數匝、溫堅不與戰、時于光被執、不為

敵始降。益固守。有千戶郭裕。被酒。敵猝犯。不覺。事平。温欲斬之。衛知事朱友聞曰。公初令不嚴。而追論之。不可。杖裕以聞。上喜。厚賜。友聞而陞。温陝西行都督。僉事。

論曰。竄止河州之捷。殆有天倖。然其推盪無外。萬里匿影。不可當也。温亦以堅壁支十萬之衆。蘭州完。而皆不得此。胡東川王定遠之列。惜也。報未稱功。後世一語告變。播玉列五等矣。

葉旺馬雲

葉旺六安人與馬雲少隸長槍軍謝再興後歸附皆以功授指揮僉事洪武四年並鎮遼東初元主北走其行省平章高家奴與其叅政劉益相聲援保金復葺州益奉表來歸上以為遼陽指揮同知已而元平章洪保上馬彥翬合謀擊殺益其右丞張良佐等縛彥翬誅之保上遂立納哈出遼東之衆共推良佐權衛事時高家奴宿兵諸山寨伺遼陽知院哈刺張屯瀋陽丞相也先不花保古城開元而金山則大尉納哈出壁大衆合謀侵犯詔陞雲旺都指揮使總轄諸衛勅以寇至宜堅壁勿與戰伏兵扼其歸鹵果

大至、以遼陽守備嚴、徑趨金州、指揮韋富王勝等伏、斃中
鹵、裨將、乃刺吾獲之、鹵勢大沮、納哈出從柞河道、歸、旺預
策其歸道、緣河壘、冰為牆、藏釘板于沙中、復設陷、馬奔十
里、伏兵以伺、鹵至、砲發、伏四起、西山旌旗蔽空、鼓聲動地、
納哈出倉皇、趨連雲島、遇水壘、馬不前、皆陷入窰中、雲旺
互出兵追擊、斬鹵無算、納哈出僅以身免、檻乃刺吾至京、
上命為鎮撫、賜以妻妾田宅、而雲旺皆陞都督僉事、十二
年、命雲旺大寧、悉平之、旺在遼十七年、卒、旺剪荆棘、脩城
隍、撫輯軍民、墾田萬餘頃、遂為永利、雲功亦相參、雲卒、生
胡克成、化中、並祀遼東。

論曰遼事與明終始葉馬二鎮駐遼陽轄諸衛時元尚
有潘及金復等州而納哈出壁大衆金山其勢逼而伺二
鎮奉睿算後起大捷金州柞河連雲島等處非後世大
帥可方也嗟乎使堅壁勿戰之勅經畧廷弼受之當與葉
馬二公等績垂崇禎之十七年老熊關外過雲旺在鎮
之十七年亦可論者曰太祖不生帑納哈赤可以無金
山在顧論者曰幸而生帑納哈赤而乃得以無金山在
顧也其說孰是

張隆陳桓謝成李新張赫張銓戴德何德仇成王簡
張隆直隸漢人初名龍避諱改負負魁岸習騎射初隸滌
陽王麾下從畧史遠授總管歷功陞都左先鋒龍江之戰
獨率鉄騎搗中堅戰鄱湖邀擊襟江口及降陳理陞正千
戶守禦海安敗南兵隨征中原副守潼關以鳳翔衛指揮
使破走賀正哲從取興元鎮蜀將吳友仁來攻敗去以都
督僉事練兵北平十一年副曹國公平西番明年封鳳翔
侯祿二十石十四年副征雲南鎮七星關論功進世襲加祿
五百石副衛國公平金山再征雲南追叛軍重慶悉獲之
勅苗蠻悉降其衆賜金歸老卒賜塋祭墳戶子麟尚太祖

福清公主授駙馬都尉

陳桓濠人長軀偉貌從渡江克副先鋒戰龍江陞元帥扼
兵從平吳陞指揮使論功晉都督僉事改左府從征雲南
與胡海郭英別將兵五萬由永寧趨烏撒進師赤水河大
破其衆與潁川侯友德克大理封晉定侯仍往東川等處
克蠻洞不可勝計後坐藍黨

謝成濠人有勇畧歷功陞指揮僉事從北征取北平山陝
晉王府相副沐英平西番及洮河十八族封永平侯祿二
千石以罪不終

李新濠人兵亂結少年自衛從太祖積功陞僉大都府事

作孝陵封崇山炭祿千五百石奉詔濟溧水受民賂請更
詔鑿山兵怨伏法釘其膚大石今天生橋釘竅猶存
張赫豪人元末集兵自保嘉山繆把頭招之不往從太祖
戰皆捷積官福州衛指揮使二年調征倭擣東碕水寨敵
多陞都指揮同知八年戰半山海洋敵多陞都督府僉事
督海運連年封航海侯世襲祿二千石卒追贈思國公謚
莊簡長子榮未襲卒或曰子勳坐藍黨孫鑑以指揮捕倭
漳泉擒海寇楊規從討廣西蠻留鎮交趾封軸輜侯
張鈐定遠人善射好譚從伐中原陞指揮使從征蜀陞都
督僉事督運齊王府于青州副周德興平五溪蠻再平散

毛諸洞、從穎川、侯友德、征雲南、以功封永寧侯、祿二千石。
戴德、盱眙人、救取太平、定金陵、授總管、擢元帥、戰彭蠡、戰
武昌、陞指揮副使、收上游諸郡、下淞西、征溪蠻、降沅州、陞
湖廣叅政、從胡廷瑞、取福建、建寧、汀、泉、皆下、征中原、陝西
平、叙功、賞金幣、半官、贈右丞、追封譙郡伯、世指揮僉事。
何德、光州人、來歸、轉戰吳楚、由千戶、陞指揮僉事、既定中
原、陞指揮同知、守遼東、名還、加都督僉事、從北征、還卒、贈
都督同知、進廬江侯、謚壯毅。

仇成、含山人、以材力顯、從渡江、每先登、擢統軍元帥、戰鄱
湖、下武昌、陞指揮僉事、取淮東、下姑蘓、陞指揮使、守安慶。

洪武三年論功。填大都府僉事。從藍玉西征。封安慶侯。祿二千石。征散毛洞蠻。還與潁川侯友德平雲南。加祿五百石。世襲。卒。追封皖國公。謚莊襄。子泰嗣。

王簡壽州人。從渡江。歷功陞都督僉事。從征西夏。以老乞歸。卒。追封霍山侯。子虎為指揮使。

論曰。張鳳翔以下十人。皆以韋布兄弟從征。歷功封侯。稍志其大畧。餘不及詳。顧普定桓。與航海赫之子勲。咸坐黨永平成。崇山新。皆以罪不終。鳳翔隆以子麟尚主。託姻婭。贈卹有加。諸克保功名。偉矣。而譙郡。靈江。霍山。皆身後之爵。

繆大亨丘廣何世明王銘張斌金興旺徐司馬歐普
祥繆美

繆大亨定遠人初起義兵為元攻濠不克以二萬人屯橫
澗山已而納降從征屢有顯績擢大元帥率師取揚州一
鼓克之擒其統軍元帥張明鑑得兵萬馬二千陞同僉樞
密院事大亨有治才馭軍嚴民多惠愛洞燭人情決獄如
流水勿失及卒朝廷遣官祭之文曰繆將軍生平端直未
常有過今不見矣惜哉

丘廣從征年最少取江南諸郡縣禦龍濤預上游諸戰功
陞指揮使從征廣西輕兵決隄涸靖江濠水築土接城下

之。進破思州。重黃英傑斬之。陞都督僉事。平。太祖親為文祭之。

何世明從太祖渡江。克采石。太平。金陵。鎮江。授元帥。下毘陵。寧國。宣徽等州。擊敗元將楊完者於徽州。擒其將黃牛兒等。收下青陽。石埭。太平。旌德。協守嚴州。收取婺州。克諸暨。援嚴州。大敗周師於小北門外。復敗周師於大浪灘。自是周師不敢窺嚴陵。收克分水。破其堅壘。斬五百級。援分水。大捷。三溪。斬周陸元帥花將軍數十人。金華之變。奉。朱文忠檄討平之。復屯縉雲。遏慶州苗莩。築新城。攻鉛山。捷于棠溪。復克浦城。收取錢塘。擊慶州青田寇。收取溫州。歷陞

指揮僉事

王銘字子敬和州人同巢湖諸將來歸渡江定建業皆有
功。援大將軍達于牛塘。下宜興。拒周兵於太湖。中左臂。
以刀抉鏃。沒戰。益屬。破。以刀趨于樞陽。直宿衛。擄江州。戰
鄱陽。功多。悉平英山。諸壘。擢管軍百戶。征庐州。援安豐。取
安陸。襄陽。攻泰州。下淮安。擊舊館。先登。取湖州。及蘇州。皆
有功。分守松江。捕倭海上。獲數百人。招撫漳泉亂民。晉副
千戶。指揮僉事。鎮温州。括蒼盜起。從廷平。虞討于之。告老。
卒。

張斌一名彬。歷功陞指揮僉事。從朱文忠破周師二十萬。

陞湖廣行省參政守岳州下湘鄉周文貴遁走從楊璟取廣
西圍永州敗其援獲卒九千五百斬部將六人永州下進
攻清江克之徇征中原下山西戰韓侂夫利太祖曰太原
之捷得此知其勢雖敗亦功從取陝西取惠州資金幣
金興旺從取建康積功至指揮僉事進指揮同知從伐中
原拔潼關統兵守之陞指揮使洪武三年征王保二為裨
將大破之由青州出一百八渡攻克興元苗鎮之陞都督僉事
身將吳友仁未效擊却之潼關面中流矢拔矢突前斬敵
百級時衆寡懸國益集大將軍令傅友德援之友德入
持十炬以進友仁望見驚遁四年征蜀取成都擒了歌于青

州蒙上賞

徐司馬御賜名、字莪政、揚州人。元季兵亂、司馬九歲、無所依、太祖養之。以為子。既長、侍帷幄、從征伐有功。歷陞中軍都督府。二十五年、率師往越、還至成都、奉司馬好文學。溫恭謙讓、撫諭士卒、賑恤貧窮、尤敬禮士大夫。公事之暇、退居一室、蕭然如韋布之士。自初富貴、家無餘貲。人皆賢之。

歐普祥、一名祥、湖廣黃岡人。從天完起兵、為元帥。人稱歐道人、掠江西諸郡縣、陷袁州、守之。元復袁州、普祥攻不克。久之、守者力竭、城復陷、據之、分兵下安福、上高等縣。與元

兵戰屢勝。壽輝累加左丞、大司徒、表國公。及陳友諒、弒壽輝來徵兵，不應。上至洪都，令其子文廣納款，仍守舊鎮。加兵權，預征伐，率師取撫州等郡。又往克武昌，合兵討贛州平之。卒軍中。

繆美，河南安豐人。隸陳桎先麾下，以千人來歸。摧楊完者，襲阿魯灰，進拔嚴騷，攻處州，奮奪樊嶺。說降胡深，鎮信州。敗漢兵，遂復玉山。赴苗亂，佐朱文忠破走周師，移守嚴州。謝再興叛，諸全、美往援，退敵，城復完。及周師二十萬攻五指新城，大破之。龍潭援浦城，五戰皆捷。洪武元年，從下闔建寧、延平、珍海寇于昌國。陞管軍千戶，從北征，克景、蕪、戰錦。

州。攻上都。援大同。戰黑河。副華都督下雲州。復攻上都。破其軍于察罕腦兒。進搗應昌。走之。論功。與十戶世襲。戍平陽。謝歸。

論曰。繆大亨而下九人。功可以封侯。而不列五等。幸也。未聞以黨石也。世明、銘、斌、美、驅、馳、文、斬、馘、守、禦、有、成、勞、而、普、祥、比、達、瑞、納、款、功。若徐司馬。與文英文忠。同為養子。洪武中某舍某舍云者。多以力原見崩盪之器。而獨歸儒行為司馬一人。

馬燧

馬燧、洪武初、以都督守貴州、法行、羅夷畏之、宣慰使霽翠
死、其妻奢香代之、燧欲郡縣其地、計以激諸羅、借小誑誤
致奢香於庭、裸撻之、諸羅果憤起、燧且大用兵、會其同知
宋欽妻劉氏代奢香詣闕、上聞、帝語高皇后、燧忠繫無他
吾欲固西南諸夷之心、寧失燧、坐燧札外夷無札付市、而
令奢香開烏撒通烏蒙驛道。
論曰、貴人相傳燧初替脩會城、碑式、減增、起死期、會誤
蚤晚、死諸夷自室、所駢立而授受、疾跛、跣死、立法、或過
慘、缺有之、願自賣之、以收奢香之用、則又任人變格也。

罪惟錄列傳卷之八下

啓運諸臣傳

藍玉

藍玉，定遠人。開平王過春婦弟也。長身頽頽，有勇略。隸開平麾下。每戰先登，無所不摧陷。其威畧似開平，以故開平寵任之。而太祖亦以開平故，改容視玉。初，授管軍鎮撫。歷自積戰功，超為都督僉事。十一年，同西平侯沐英討西番，擒其酋癭臍子鹵斬，以千計。還封永昌侯。久之，以征南左副將軍同穎川傅友德討雲南，轉戰平之。事在友德傳。增祿五百石，并以征虜右副將軍同宋國馮勝襲金山納哈

出降之。併降其衆二十餘萬。即軍中拜征鹵大將軍。代宋國公。踰年。領六將軍往討元丞相哈剌章于和林。時鹵主脫古思帖木兒駐捕魚兒海。玉率勁騎十餘萬自慶州間道襲之。去海四十里而軍不見鹵。欲還。定遠侯王弼請玉無還。且曰。兵以不意。吾勞而露。使彼主而害我。未便。戒諸軍穴地而鑿。毋使見烟火。及抵海。知鹵營海東北八十里。前薄之。大風揚沙。晝晦。鹵大驚。其太尉蚩子輕出搏戰。一鼓破斬之。衆遂潰。請降。鹵主與太子天保奴以數十騎遁去。獲其次子地保奴及故太子必里禿如諸公主等百二十三人。吳王朵兒只代王達里麻平章八蘭等將相官校

二千九百九十四人。軍士一萬五千餘人。男女七萬七千餘口。寶璽圖書二百四十九。金印一。銀印三。馬四萬七千匹。駝四千八百頭。牛羊十餘萬。車二千餘輛。復破降哈刺章。獲將士萬五千八百人。馬駝四萬八十餘匹。捷聞。上使使齎勅諭玉比之衛青李靖云。玉傲而淫。私元妃。事露。妃自縊死。凱旋。上特賜王金幣。踰葦然。猶面責數玉。擬封梁國公。嘆喟且久。改封涼國公。而鑄其過于鉄券。尋討平散毛洞。擒土酋刺惹等萬餘人。置大水田千戶所。進平施南忠。建二宣撫司。叛。增歲祿五百石。尋詔還鄉。復與魏國輝。祖曹國景隆措置陝西邊事。至蘭州。墜馬傷。上手詔慰勞。

之比于中山。開平王尋召還。出理蘭州莊浪等七衛兵。玉
追捕逃寇。初者孫弗及。遂深入罕東。至阿真州。番酋皆遠
遁。會蜀故降將月魯帖木見反。使玉移師討之。至則四川
都指揮瞿能等已大破其衆。月魯走柏興。玉以討誘縛其
父子械京師。斬之。而盡降其餘党。便宜請增設諸衛。上從
之。遂班師。定東宮官屬。玉薦太子太傅。玉快。不樂居宋穎
二公下。詔曰。乃無太師藍玉哉。玉改特上。寵多蓄莊奴假
子數千人。常占東昌民田。自予。民訟之。御史且捕獄。玉執
御史笞而逐之。度喜峰關。吏以夜不時納。玉大怒。縱兵
毀關。入。上聞之。已心惡玉。不詰也。玉間有奏請。不盡聽。退

而謂所親上疑我矣。錦衣指揮將獻告王反上集群廷
訊。王不肯伏。獄具磔于市。夷三族。榜其狀示天下。并載逆
臣錄。王既誅。徵侯功臣文武大吏。以至偏裨將卒。坐党謀
死者可二萬人。初。王之出討越。考也。與部將十餘陞。上
方留王與議。呼諸將去。三呼無應者。王舉袖一揮。盡起。蓋
久疑之矣。或云。楚王毋胡妃。墮胎。棄玉以私。怨構之。

論曰。王於太子至親。常說太子。臣見燕王。莫武。負上寵
愛。至而術者言。燕地有天子氣。太子幸自愛。然則王忠
志無他矣。而燕王從中搆之。必殺王。史不載其寔。但云
獄具。則二萬餘人。豈皆無辭不待再听者乎。星者劉日

新策王封涼國而誅。而日新與俱。己而果然。或曰存玉則
可以無燕。王坐黨公則信。宗、穎、三人。侯則長興、武定、鳳
翔、定、遠、永平、崇山。而史于宗、穎、定、遠。但書卒。于永平。但云
坐法死。于崇山。但云有罪伏誅。並不及黨。王事。豈猶有諱
之者歟。即以陞。薛。揮。不。知。細。柳。軍。法。也。功。剋。諸。侯。以。之。帝
豈不稔。或曰存玉以無燕。不存玉以有燕。

廖永安

兄永安
孫鑄銘

廖永忠，巢縣人。父旺，五子。永忠與其兄永安最少。元亂，妹
寇彭祖兵起，永安與兄永堅為其萬戶。彭祖既敗，永堅往
仕漢友諒為叅政。永安字彥敬，乃與其弟永忠同縣趙普
勝俞廷玉、王子通海及趙伯仲、伯仲弟庸、合肥人張德勝
葉昇無為人壽世傑。含山人華高以戰船千餘結水軍屯
巢湖，捍盜。廬人左君弼者，故亦盜，惡永安等不與合，率兵
攻之。永安等乃使韓成持書謁太祖，和陽盡以舟師歸附。
從攻婁子海牙及峪谿，大破之。矢傷永安鼻，再敗之于青
沙。從渡江，永安亦來歸。取太平，襲安慶，往來用兵。城陳兆

先永安皆與通海同事。功亦相參。戊戌，取宜興。陞同知樞密院。已而周士誠兵寇常。連敗之。十月，永安等再拔宜興。追擊至太湖。乘勝深入。後軍不繼。水淺舟膠。為所獲。士誠欲降之。永安不屈。被拘。已而徐達徇周士德于常州。周使人求和。請歸永安。易士德。太祖不許。遂授永安平章。封楚國公。賜號及誥。而贈旺為涼國公。丙午，卒于姑蘇。年四十七。洪武元年，侑享太廟。謚曰武閔。加贈開國輔運推誠宣力武臣。光祿大夫。柱國。同知大都督府事。十三年，改封鄭國公。永安無子。以兄永清子昇嗣。為指揮僉事。弟永忠。統智勇豪邁。從兄來歸。太祖見其年少。曰：若亦欲附金印。

富貴哉。永安既為吳所執，永忠以樞密僉院領其兵，友諒入寇龍江，與張德勝棄勝進及采石，奮敗之。復太平，迂同知樞密院事，從征安慶，與俞通海等擊漢水寨，破之。長驅至江州，仰攻不可上，永忠度其城勢，架橋舟後，反舟而前，名曰天橋，至城下，與女牆齊，接而登，克之。復與趙德勝攻下瑞臨，吉安諸郡，從戰鄱陽，冒鋒出上舟，于圍友諒中矢死。遂平武昌，迂湖廣行中書省左丞，鑄金字小旗，其功于門。規取淮東，士誠以兵薄海安，綴我師，太祖誡大將軍秦州勿動，而令永忠還兵水寨禦之。周兵遁，淮揚悉平。從克姑蘇，錄功，陞平章。副湯和會討方國珍，降之。從海道徑取福

州。洪武元年，燕太子詹事，略定閩中諸郡。至延平，攻其西門，部將開門降。明年，復從海道取廣東。朱亮祖為副，先以書諭降何真。師至東莞，真從潮州上印章圖籍，率官屬出迎。攻破偽叅政邵宗馬，數其殘暴，斬之。廣人大悅。馳諭九真、日南、朱厓、儋耳三十餘城，皆納印請吏。趨廣西，至梧州。降元達魯花赤拜住，其尚書普顏帖木兒，張翔募兵迎戰，無有應者。走鬱林，亮祖勒兵追之。普顏戰死，翔赴水死。會征南將軍楊璟下靖江諸郡，兩廣悉平。明年，還封德慶侯。初，論功當封國公，以鄱陽之戰，使所善儒士窺意，徵封爵。故稍次之，食祿千五百石，贈三代。四年，副湯和舟師由瞿

塘伐蜀和兵沮不進時傳穎公已圍成都帝以和為愷永
忠乃密遣壯士數百人衣青衣舁小舟與貫叢箐中出上
流蜀人不知也夾攻之焚三橋斷橫江鉄索擒蜀將蔣達
等八十餘人裨將鄒興中箭死永忠遂入夔州而和亦到
師拉重慶明昇方督師重慶大懼右丞劉仁勸歸保成都
母彭氏泣曰保成都旦夕耳昇遂面縛銜璧奉表詣軍門
降和受璧永忠解縛檻送京師蜀平永忠功次穎公賜第
尋出征羽捕倭八年坐僭用龍鳳章服不法事伏誅既厚賻
之子權娶湯和女為散騎舍人嘗從御史大夫丁玉征松
疊十三年嗣侯從傳將軍征雲南領兵守畢節移守瀘州

召還十七年卒。權之子鏞，以嫡子任散騎舍人，歷官都督。建文中充宿衛，燕王入京，以鏞與弟銘常受學，方孝孺使往召之。孝孺怒曰：「若讀書幾年，乃不識是字上怒。」收孝孺族之鏞，銘逃匿安陸山中，偶與書生夾，以舉止不凡被疑。事洩，永樂元年，錦衣衛奏獲鏞，送刑部論死。弟銘鉞從父昂與昇俱謫戍邊，母湯并銘女送浣衣局。從兄基指揮同知自首，獄死。永忠雖以功受封，每失上意，故贈謚皆不及。後江夏侯周德興有罪，當下獄，上特宥赦，召諸將相諭之，以故德慶侯廖永忠犯法，侈僭為戒。弘光中，追贈慶國公。謚武勇。孫鏞，追贈德慶侯。鏞弟銘，錦衣衛都指揮。諸巢湖。

軍皆有傳。華高，含山人，歷功鎮湖廣，封廣德侯。後卒，厓州贈
巢國公。

論曰：即楚公脫囚，而效周力，不過為再興天瑞輩，与城俱
碎耳。顧完節，足以風累臣。後世德慶，即不得公，亦念其
副東甌之烈，故再傳鏤銘，讀書識是字。雖由正學之教，
亦楚公家法，殷矣。按唐牛詔書：德慶坐揚憲党，伏誅。及
按通鑑博識：坐沉鞏林，見仄步，而寔錄曰：永忠病卒，夫寔
錄阿不足據。若以沉仄步為罪，則非當日情事。忠或奉
密命有之，否即擅其意，亦頗与劉文成不設中書座之
指合。何至有券不宥，或曰以僭擬龍鳳，故則借也。帝念

太子文弱勇鋤名勲乃入忠憲党不免夫宋國棄慶陽走
歸德慶不過遺所知未嘗離軍雖皆同封爵而微有不同
而輒借以書其報功次類國萬世猶一口矣持無上裁
諸權以時不私龍鳳章服家兒人即以其僭可誅亦必
嚴令再四而此似幸其有以章服則知帝意固別有在
也嗟乎胡藍楊諸案太祖酷治黨不遺力似灼見明末
啓禎以浚率也黨敗蓋防微已在數百年之前矣哉

俞通海

父廷玉弟
通源通淵

俞通海字碧泉，巢縣人。父廷玉，弟通源、通淵。元末有彭祖及金花姐者，以妖術煽江淮人多應之。廷玉率其子從妖黨李普勝為軍，普勝敗沒，乃結水寨，巢湖自固。乙未，太祖總兵和陽歸款乞援，太祖喜，謂李善長曰：「巢湖豈知我師且渡江哉？」為我辦舟楫甚善，親率兵逆之。乘漲間道至黃墩，時趙普勝中變，太祖恐衆解，還集商舟，以和陽兵復至黃墩，督攻海牙。海牙兵潰，直趨和陽，授通海萬戶。六月，渡揚子，克采石，取太平，有功。時海牙悉驅戰艦結寨采石，與元帥陳也先從子兆先合淮兵營方山，相犄角，窺太平。丙申，

從海牙大破走之并破北先營是月克臺城亦下阿魯灰
者林苗軍水寨拔鎮江追康元帥降之進統軍元帥取常
州宣城寧國功多累太湖降周守帥王貴鈕津等狎遇其
右丞呂珍于東洞庭時大將軍已西獨帥餘舟接戰流矢
中右目傷護痛且下而令親兵身被其甲睨船賊不敢逼
戊戌搗江陰奪馬馱沙再敗天完趙普勝于樅陽復池州
陞僉書樞密院事庚子走漢友諒于龍江縱火焚其舟進
樞密院同知從克漢銅陵搗九江蘄州黃州等郡癸卯救
宋韓林兒于安豐敗周呂珍兵移攻廬州七月漢圍南昌
急上天發兵遇敵于康郎山通海先諸將乘風縱火焚其

舟已上舟膠。幾為所乘。通海飛舸至。水湧舟脫。猝射中。漢
驍將張定遠。敵退相持數日。不下。敵利巨艦若城墉。我舟
小。便馳驟。然往往被壓不起。通海常以首抵艦。得脫。鐵厝
盡裂。隨棹七舟。寔葦火。乘風入敵。焚其戰艦數百。偽王友
仁友貴皆死。更以小舟冒敵。入我師。遙望無所見。久之。意
已盡沒。忽飄飄遠出。敵舟傍我師。震呼奮擊。大敗之。敵且
拔水寨而去。我軍柵罌子口。橫截左蠡。不得出。通海進曰。
湖有浮沙。舟輒膠。不利。彼窮而搏。彼此之勢也。請入江。據
上游。自休侯。其逸攬之。而劉基亦請從軍。湖口。太祖從其
計。友諒死。明年。下武昌。陳理降。上為吳王。陞中書省平章。

事填廬州繕墉壑興農田兵民寧輯從征浙西克吳興隨
下沿海郡縣偽帥陳仁壽率數千人走海聞通海兵律秋
毫不犯復回請降圍姑蘇敗敵滅渡橋蕩其營至桃花塢
中流矢護創建康王幸其第撫視之呼曰平章即知予來
乎已沉不能答王揮涕而出明日卒年三十八追封豫國
公改號國公謚忠烈肖像功臣廟父廷玉亦以
死事贈河間郡公謚武烈通海沉機簡重勞不矜能嚴而有
惠卒無子弟通源字百川通海卒即軍中領其兵攻蘇州
擒士誠嗣通海官從大將軍征中原下山東河南北山西
諸郡從副將軍馮勝等會兵太原取陝西克慶陽尋張良

臣復以慶陽叛，率師自臨洮疾趨至涇州，合兵圍而斬之。西征王保七，出連雲棧，克興元，皆先登。洪武三年，封南安侯，食祿千二百石，與世券。從將軍廖永忠伐蜀，又從魏國公出塞征甘肅有功。八年，徙江南豪四十萬，田鳳陽，命撫輯，開水利，墾田，攻雲南，征廣南諸蠻，俘斬數萬。二十二年，詔還鄉，未行，卒。七十二年，坐黨革，以死不問。通淵以父兄故，充叅侍舍人，從大將軍征秦隴，燕趙功。陞督府僉事，征哈刺答，至捕魚兒海，獲酋長人畜，班師，轉餉二十萬石。江西又征都勻，龍場諸蠻，峒克辰沅，寶慶俘獲多，封越嵩侯，食祿二千五百石。率師討建昌叛賊，築城越嵩。二十六年，坐

累罷侯。建文中，召為豹韜衛指揮使。復侯，戰歿。白溝河子
翊先卒。次靖，嗣官。明年卒。次端，優給錦衣。未幾卒。無後。通
源子祖，病痿不能嗣。孫宗，曾孫信。上宣德十年，乞嗣。信子
龍，子仲，弘治五年，皆乞嗣，不許。弘光中，追贈通淵嵩，因公
謚襄烈。

論曰：俞氏舟楫功，為造明第一。使無巢湖破浪之村勢，
必俛就安豐，束手出鄴，福通下彼，尺書使為東西，即何以
辭。夫遠宋而宋，隱為我用矣。鄱陽之戰，小舟冒入，直追
赤壁故事。青田但曰從軍湖口，而上游擊遁之計，出自

號○國○夫○楚○勢○素○乘○高○吾○梓○乘○楚○高○扼○其○出○猶○之○功○策○耳
父○廷○玉○死○軍○中○弟○越○嵩○通○淵○死○建○文○白○溝○之○難○南○安○通
源○西○南○偉○績○蓋○一○室○效○命○不○但○舟○楫○而○節○烈○與○勳○名○更
烈○諸○世○家○

[Faint, illegible text, likely bleed-through from the reverse side of the page]

胡大海

養子德濟
王宗顯

胡大海字通甫，虹縣人，長身鉄面，智力過人，兩目有光。每夜出燁，如炬。甲午，謁太祖，為前鋒，從入和州，克采石，攻金陵，常州，先登。授右翼統軍，元帥，宿衛。佐鄧愈自績溪進攻浙東諸郡，至于遂安。元苗帥楊完者，以兵十萬來爭徽州。大海前諸軍斬其部將，更克嚴州。與李文忠同秩守之。二人微有卻，太祖密戒文忠，由是相協，互為力。遷行樞密院判，去語。鄧愈曰：「吾現蘭谿為婺右臂，公引兵下之，可以無婺。」遂折蘭谿，陸大海倉院守之，而婺不即下。太祖躬來視師，大海見其容，烏江王宗顯。太祖喜曰：「翁來，即安能入婺。」

為說客乎。宗顯行還報曰：「嬖將貳可仆也。」曰：「即然，汝為嬖守。元將果內疑，開東門納師。元守臣僧住死之，遂真以宗顯知府事。陞大海僉書行樞密院，以王愷為都事。時元伯顏不花守衢州，多智畧，而處州守將石抹宜孫善用士，紹興故周呂珍所據也。上以三城密迓勁敵，以大海為江南行省參政，與常遇春共規進取。明年，諸全下，并下衢州。元龍泉守將胡深收處四下邑，反。宜孫來降，大海以其間出樊嶺，與耿再成合軍，連敗宜孫。宜孫遁，處州定。已而呂珍憤諸全之失，盛兵入犯，隄水灌我。大海奪隄，反灌之。珍敗，窘。馬上折矢求平。大海許之。後參佐悔勿許。大海曰：「詔出而背。」

之不信。既縱而襲之。不武。遂引還。珍亦去。庚子。太祖方逆。拒漢友諒。龍江遣大海搗廣信。以制其後。既走友諒。而廣信亦下。大海曰。此閩楚衿衿。不可忽。上令大海養子德濟。以行樞密院同僉鎮之。尋漢將李明道來爭廣信。德濟嬰城乞援。父大海疾援。虜明道。因得為向导。尋下江西。大海初定嚴州時。留將蔣英。劉震等。以揚完者見殺。惧。歎無大海隸其衆。麾下推誠不貳。而分其黨。李佑之等戍處州。至是。英謀作亂。震曰。秦攻過我。辱吾。何忍背之。有李福者。張目曰。舉大事。願小思我。潛通處佑之。期二月之七。齊發。是日。英等陽邀大海八詠樓觀弩。大海上馬。英令其黨鍾矮子。

詭叩馬號曰。蔣英無故欲殺我。大海未及答。反顧英。袖
出鉄鏈。若擊矮子狀。特中大海腦。仆地。英即斷其首。并殺
子閔住。而中王愷亦遇害。愷別有傳。總管高子玉。從難
行省。掾吏章誠。被執。脇降。不屈死。時李文忠自嚴州疾以
兵定之。并定處州。是後敵來犯。葵。屢顯祥異。或夢大海指
畫。或星火滿野。沟。人馬聲。及出師。必大捷。後李將軍文
忠下杭。縛英。震至京。上命懸大海像。刺血以祭。贈越國公。
謚武莊。祭故功臣鷄籠山。大海位第一。大海嘗曰。吾不知
書。吾行兵。惟有三事。不殺人。不虜人。婦如不焚。廬舍以故
所至。健兒驢附。編氓寧輯。初。蔣英等既殺大海。降吳。以呂

珍疾犯諸全、文忠檄德濟廣信、合敗之。己癸卯、諸全守將謝再興叛降吳德濟、以浙東行省叅政統重兵守諸全城。同李文忠拒敗吳師二十萬于龍潭。洪武三年、從大將軍北征、失機械至京、宥復官、後為都指揮使鎮陝西、卒。王守顯既知婺州、開館、延召名儒、為五經師及學正訓導等官。喪亂之餘、學校久廢、至是稍復文教。大海七代孫、應襲汝鍾、天啓五年、請自效、備餉平邊、下部議不果。

論曰、武莊不早折、其功裂當、偕開平上下、初与岐陽却父之岐陽、赴其難、如私仇、蓋猶夫中山之于開平也、而帝之密戒岐陽不併及武莊、所以用武莊特妙、總一推

吳州新
何二
一四

誠○於○周○將○呂○珍○不○失○為○武○於○苗○將○蔣○英○等○遂○致○及○身○精
英○貫○白○日○伍○員○死○扶○日○晉○門○大○海○死○其○而○如○炬○者○不○化
正○直○為○明○神○天○亦○肯○之○而○有○苗○不○格○何○也○行○兵○但○能○三○事
不○淫○殺○與○焚○顧○何○必○讀○書○而○子○德○濟○而○殺○叛○

楊璟

楊璟、合肥人、儒家子、少沉毅、讀書不喜章句、好武畧、渡江來歸太平、既定江東、為親軍副都指揮使、助克婺州、進院判、漢平為湖廣行省叅政、移鎮江陵、招討湖南洞蠻、功進平章政事、洪武元年、克征南將軍、從湖湘取廣西、以左丞周德興叅政、張彬副之、克漢周文貴、下寶慶、進擊永州、漢全州守將阿思蘭來援、逆擊、敗之、全永俱下、遂圍靖江、時廖永忠已下廣州、使朱亮祖自府江來會、敵恃濠為固、璟殺其戍吏、涸濠、因六旬、璟給降者白皮帽百、使入城為內應、遂克之、并下柳州、諭降左江土官黃英、衍田州土官岑

伯類等。而永忠亦從廣東迤而西南寧一帶。州郡皆下。廣西平。環還京。為偏將軍。從大將軍征山西。環出澤潞。遇擴廓將韓札。見于韓杏。戰失利。然以是分敵勢。大將軍遂克太原。檄定唐州。軍虜鎮之。已奉命招撫夏。明昇。不從。環還。復與書曰。足下據有蜀。即何如。漢昭烈。昭烈曠世才。以諸葛佐之。然猶朝不謀夕。再世不祿。足下疆場。南北不過播漢。乃欲以一隅之地。為壽西。險不必智者而決也。即以為險阻。可恃。蠶叢魚鳧之鄉。不至足下矣。鄱陽一戰。友諒授首。旋師東討。張氏面縛。此非人力。實天命哉。江夏來歸。宥罪封侯。恩榮之盛。天下所知也。今之為足下謀者。率謂

閉關以俸一日。至于事促勢窮。各自為富貴計。足下至孤
老母弱子。將安歸乎。詩曰。自來多福。善敗之機。唯足下自
審之。足下年幼。未諳事勢。誰秉國成。獨不為身首慮乎。昇
又不省。湖廣慈利土首覃垕。鼓諸蠻為亂。率兵討之。初為
所詐。執我部將黃永謙。上以書讓垕。刻日月空之。封營陽侯。
食祿千五百石。世券。從湯將軍伐蜀。無功不賞。沅辰蠻亂。
為副將軍。從鄧愈討平之。十五年卒。贈芮國公。謚武信。子
通與靖寧候葉昇。捕象廣西之左江。二十年。領韃靼官軍。
往戍雲南。多道亡。降。普定衛指揮使。次達。散舍人。
論曰。開國武臣之諳文事者。自岐陽王而下。郭營國。胡

薛顯

薛顯沛人為元泗州守將。國初馮宗異攻下揚州，顯以泗州降，授指揮。壬寅，助守南昌。漢友諒以大衆攻圍急，顯將銳卒突戰，斬其平章劉進昭，擒樞副趙祥，圍稍解。久之，斬鄧仲康于新淦，徇下江西諸郡。陸行省叅政伐吳，昇山之戰，五太子盛兵來援，常將軍戰稍却，顯舟師直前奮擊，大破之。遇春謝曰：「戰昇山，吾不如將軍。」論功，陸江西行省右丞、大將軍北伐，上諭顯可當一面。下元都，偵邏古北諸隘。口鹵元官喬右丞等三十四人，從征山西，破王保子，邀賀宗哲于石州，招諭保定諸山寨，會兵陝西，追擊，獲保子部。

將一人。知院三人。左右從官二人。馬二十匹。分攻馬寒山。西番大破之。張良臣以慶陽納降。命顯往受之。已而良臣有異志。夜半襲我營。顯被傷。突圍得免。良臣還為元守。王保保遣韓札兒攻原州。為應援。顯與傅友德駐兵靈州。過之。是時賀正。哲亦寇鳳翔。慶陽下。遁去。三年。封永城侯。不與券。諭顯曰。顯屢摧大敵。奇男子。而性剛忍。好殺。千戶吳富從朕。久有功。乃利其所獲。殺取之。又輕斃馬軍。今封爵如例。請顯南海。以示懲。明年復召用。定祿千五百石。給世券。從征沙漠。取王保。巡視河南。赴北平。督兵屯田。二十年。從征降納哈出。還次山海關。卒。贈永國公。謚桓襄。無子。

弟綱嗣妻張納券胡党事發以死不論弘治中曾孫珍乞
嗣不許

論曰擅殺千戶富乃不抵謫南海而復之帝惜其才氣
卒全之得善終其不生前入胡党倖也雖然帝于永城
不甚却顧故與所處宋潁涼三國異三國才大其不恭
且忘之以須其有為乃究竟不終于永城獨否恩威輒
著曰此不足煩寤寐也哉

郭興

弟英八乘時日中弟德成孫登五世孫勳入乘時日中

郭子興嫌滁陽王、單名興、濠人。初太祖微時野走，興父山甫一見，嗟服，留款，辟人進曰：「僕非相人，相人多足下天表特殊。」他日富貴，毋相忘。既去，語子若弟曰：「吾視若行輩，皆可秉珪，定以此人矣。」興拳勇，善騎射，隸滁陽王，與弟英、旋從太祖宿衛，興自用兵滁和，渡江，取金陵，陞管軍總管，克鎮江，進五翼總軍元帥，困常州三月，衣甲生蟻，下宣州、江陰、婺州，破南昌，彭蠡大戰，興請用火攻，以是獲捷。從下武昌，洒血馳戰，陞鷹揚衛指揮使，授廬州平吳，陞督府僉事，佐大將軍取中原，守潼關，潼關三秦門戶，厲兵積貯，搯

寨堅固敵不敢東移戍鞏昌為秦王府武傅兼陝西行府
僉事封鞏昌侯食祿千五百石與世券伐蜀克成都洪武
十七年卒贈陝國公謚宣武女弟入宮進位寧妃子四景
儀先卒振嗣侯而弟英沉毅智勇精騎射每先登征無錫
傷脇破常熟傷足攻安慶傷臂攻高郵弩傷右膝鄱陽之
戰有瘡尚未瘳戰益力圍武昌督兵保安門傷手足漢將
陳同僉駭捷突帳下太祖遽呼殺賊英起疾得其首上解
所御絳袍褻之曰唐尉遲公乃輔我從攻岳州襄陽及淮
安安豐陞指揮僉事從定中原所至有功逼通州為先鋒
距城三十里而軍衆請速攻曰吾示弱出不意破之翌日會

大霧伏千人道傍。乃更以精騎誘敵。戰良久。佯敗。賊乘勝
躡我。伏起。敵分為兩。大敗之。斬首數千級。擒宗室字羅梁
王。遂克通州。元主北遁。從取太原。夜率十餘騎潛入王保
上營。舉火為號。伏齊起。保急潰去。下興州大同。生擒偽
將竹平章。渡河取鹿臺鞏昌。追敗賊將賀宗哲于石山。從
征迤西。大有功。陞驍騎衛指揮使。辛亥。進階驃騎將軍。河
南都指揮使。將赴鎮。上命寧妃携內饌至第。餞之。移鎮北
平。十三年。進大都督府僉事。定官制。改前軍都督府僉事。
明年。從征雲南。分道進討。諸將便欲深入。英曰。破敵貴先
聲。攻取必自近。始。夜乘漲濟赤水河。賊大潰。進攻曲靖。克

之十五年破江川椅子寨逼大理金齒降段平章攻靖寧
州蠻七寨一日夜破之取仁德府圍姚安敗賊將李自火
雲南悉平論功封武定侯食祿三千五百石世襲充靖海
將軍鎮遼東同馮大將軍勝討北鹵納哈出降之師放鹵
追襲與戰創傷左脇復箭冲右脇益奮鹵遂却進征鹵右
副將軍還鎮遼東二十一年以征鹵右副將軍從出捕魚
見海卷甲直抵鹵營鹵王潰圍出斬其將夷子太尉辛
未北討至寒鴉山而還遂統禁兵二十四年與潁國傅交
德追元遼王阿扎失理北至黑松林三十年討川陝餘寇
授征西將軍生擒賊首高福興久之御史裴承祖劾英養

家奴百五十人、輒殺人、詔不問。建文時、從耿炳文、李景隆、用兵、老不任、燕王入國、英降、元年卒、贈營國公、謚威襄、英能讀書、孝友、仁恕、家居不治田產、上問故、曰、仰荷寵靈、富貴已極、敢生侈心、母喪、廬墓致疾、會有詔命、乃還、事太祖四十餘年、小心謹慎、未嘗有過、常侍坐便殿、見有來奏事、急起避之、上曰、居、朕自理事、大小百餘鞫、金瘡遍体、每陰雨作楚痛、及聞征討之命、即日就道、未常以老疾辭、弟德成為驍騎舍人、性明爽、常以酒自放、上欲宦之、懇辭不受、上变色詰之、免冠拜泣、曰、臣性狂愚、耽酒嗜卧、不足緩急、倘位高祿重、事不理、上殺我也、願卒賜以娛其生、上曰、善、立

賜黃封百罌。他日侍宴後苑，醉蒲伏免冠謝。髮禿落半上，笑曰：「醉風漢過酒乎？」德成仰面曰：「臣猶厭其多。」會盡削，乃已。上默然。既醒，大惧，恐觸忌諱，即盡去其髮，披僧衣狂呼唱佛不已。上笑謂寧妃曰：「吾以為戲言，乃果然已而寤事起死者相屬。」德成益狂蕩不檢，以孝終。英子十二人，鎮尉馬都尉尚永嘉公主女二，遼邸二王妃，孫二十八人。長孫女仁宗貴妃，為鎮弟銘所出。而珙以貴妃弟故，得嗣侯。宣德十年，永嘉公主乞以鎮子珍嗣侯。英宗念珍本英嫡孫，與錦衣衛指揮僉事已而珙子聰與珍爭嗣侯，又與珍子昌七子良美不決，下良獄。弘治三年，郭守人共乞擇英諸

孫一人嗣侯。上許良嗣。良好詩書。樂與文儒交。既侯。掌中
軍。上備邊六策。正德二年卒。子勛嗣。世宗時勛議禮。抑旨為
團營總兵。加保傅。騎大學士。楊一清劾罷去。尋復之。十六年
勛先作演義。英烈傳。稱祖英生擒士誠。射死交諒。遂疏
乞祖英。備享太廟。禮官不可。勛引劉基為例。曰。基文臣。位
六王下。况祖英武畧如是乎。上特許之。位。嘉寧王下。秉義
侯。上十八年。扈駕承天。對翊園公。已而坐奸利事。被刑部
右侍郎曹鈞劾。上優旨之。賜勅。不領。既日。臣奸何事。臣覺
何人。何更勞。賜勅。上以其強悍無禮。逮都察院刑部鎮撫
司官。罪有差。勳瘦死。獄中。子守乾嗣侯。而郭登者。字元登。

英諸孫也。七歲敏記絕。十歲能文詞。永樂中充勳衛。正統七
年從王驥征麓川。功復從沐斌征騰衝。歷陞署都指揮僉
事。己巳七月。酋入塞。驟進都督僉事。副劉安守大同。會上
親征。成國公朱勇、西寧侯宋瑛、武靖伯朱冕全軍覆倉卒。
議班師。登急告學士張鼎等。駕入且從紫荆關。上忽東折。
向居庸。炮四十里。酋大至。駕北狩。是時大同堡塙蕭條。城
門晝閉。人心危疑。登慷慨奮勵。修繕拊循。不餘力。衆屢劾。
奮八月。酋奉上皇至大同。叩闕索金幣。約賂至。歸而上皇。
登閉門不納。上皇為不懌。曰。朕與登有姻。故外朕。登遣人
奏曰。臣奉朝廷命守此城。不敢擅啓。閉竟不出。而劉安孫

祥霍瑄等出見上皇。獻金幣。瑄尤効力。乃權宜以賄徃。鹵
莫不應。竟擁駕去。十月。鹵以和為名。直犯京師。登提所部
兵。亦糾集忠義。從雁門入。援先以蠟書馳奏。上至。而鹵已
退。優詔褒答。後一再上疏言。鹵即出塞。離遠不遠。恐青草
復生。再侵京闕。而京兵新選。不可輕發。今日之計。可以養
銳。不可浪戰。可以用智。不可鬪力。以逸待勞。以主待客。勿
求僥倖。可冀萬全。歷陞右都督。景泰元年正月。鹵入境。率
兵躡之。宿水頭。夜二鼓。東西以高賊營。自朔州掠回。或請
避其銳。全軍返。登意我軍距城百里。返走勢必懾縮。敵以
鐵騎促我及矣。按劍起曰。敢言退者斬。後薄鹵營。天漸明。

鹵以數百騎逆戰。登鼓入。諸軍繼進。登手射落二鹵力洞。
一鹵衆奮。遂大破其衆。追奔四十餘里。至栲栳山。斬鹵首
二百餘。奪還人馬器械萬計。是役也。登以八百騎破鹵數
千。為一時戰功第一。進封定襄伯。食祿千二百石。與卮券。
鹵既退。登欲大興屯田。苦牛種。疏乞官為措置。不果。四年
秋。病。召還京。登初至大同。士可戰者不及數百。馬百餘匹。
不數年。馬至萬五千。精兵數萬。登智勇兼備。紀律嚴明。料
敵制勝。動合机宜。凡戰未常挫衄。常以己意。設為攬地龍。
飛天網。鑿深塹。覆土木。人馬通行。如履寔地。賊入圍中。令
人發其机。自相擊撞。頃刻十里皆陷。天順元年。以初故奪

爵為都督。僉事南京。是秋。謫戍甘肅。未幾。召還。充團營總兵。八年卒。贈定襄侯。謚忠武。登無子。以兄子高為後。得嗣伯。減祿五百石。十四年卒。子參乞嗣。不許。授世指揮使。

論曰。山甫識太祖野。廷玉驚太祖微行。真主自不能。叔興策彭蠡。請用火破。英計雲南。兵從近始。兄弟宿衛。恭慎。資惟。怪矣。古驕而獲。世者。幾人。武定老。不任燕。事。卒。從。燕。難。其。孫。登。之。閉。大同。而。謝。上。臺。也。朔。國。以。議。禮。稱。旨。至。飾。為。小。說。英烈傳。妄指貫晴友諒。謂武定所手奏。借伯享垂廟祀。札瘦獄不免。則何如德成之用。酒自全。武定。襄。之。武。能。以。寡。擊。衆。使。當。靖。難。必。有。以。自。見。惜。非。其。時。

桂彦良

桂彦良名德稱以字行。浙江慈谿人。故慶元府判業。同子也。生之夕。室有火光。若流星。母以為不祥。棄弗育。桂氏者。鞠而子之。元季舉于鄉。上南宮。不利。歸長包山。再長高節。皆有文名。除平江路文學掾。不就。洪武六年。大徵天下士。彦良以省臣薦。待詔公車。授皇太子正字。入侍大本堂。太子深器重之。詔與宋濂分教文華堂。上詔以治道。對曰。道在正心。又曰。明君至公。無私則好惡自當。上揭其語。殿楹。明年日南至。有事負立。上以祀文。稱語。謹所司。彦良曰。予小子履。湯用于郊。我將我享。武歌于廟。以古率令。未應。責。

譴上稱善。久之，上欲誅一墨吏。彥良爭如律上不聽。彥良曰：三尺法，陛下當與天下共守之。上不能奪，尋以三府疑獄命之讞。多見原。法官呵彥良失議，彥良奏當取長略短。上曰：不然。吾因其長而拔其短，以造于全。且問彥良曰：法數行而數犯，奈何？對曰：用德則伏，用法則勞。勞弗靖矣。因問三教如何？對曰：治天下當法孔子。上曰：江南大儒，惟卿一人。曰：臣不敢望宋濂、劉基。上曰：濂文人，基峻隘，殆不如卿也。十一年，擢晉相府右傅，上親製勅勵之。有曰：尔彥良心淳而不詐，本固執而不變，毋作聰明，務靜安。毋干有司事。往欽哉。彥良以輔導在先，格心製心圖獻。晉王十二年。

革相府、改長史授奉政大夫十五年、以長史入朝。上太平
十二策。上顧侍臣曰：朕初謂儒者泥古而不通。今以觀彥
良言，皆有裨於政。顧彥良所學純一而寡知變，以故顧嘉
許。卒不使叅大政。十八年，以病免歸。和光中，追贈翰林院
編脩、謚教裕。

論曰：國初諸徵求，率本宋人之學。顧太祖不食其腐而
特隆厥指，見時宜出之，惟庸之獄，至欲興師日本。李岐陽
謂可無深求，帝怒曰：此儒生家言，使人盡殺其客，第一
見方寧海曰：以非用子時且歸，與潛溪朝夕，久而不令
一聞中書。太祖即未學，似窺明新，全付善處。德稱道在

正心便不着宋人氣且云至公無私則好惡自當大學
矩章要歸不拂人性而止諸說可盡刪也帝曰濂與基不
如卿考方所學誠過濂遠哉而範圍小不知變猶是相名藩
有餘

唐鐸

唐鐸字振之、虹縣人、端重有遠畧、從太祖起兵定濠州、既定都金陵、授西安縣丞、召還中書省管勾、出守延平、入為殿中侍御史、上諭鐸、元時任官、但重本色人、迂臣產南方者、不得入風憲、鐸曰、元改本色出巡撫、然卒無能為民為之語、遣使宣撫、問民疾苦、來如震雷、去如敗鼓、至今羞之上、曰、誠如卿言、耳目得人、何間南北、出為紹興知府、陞夏蓋湖、求利民、陞刑部尚書、轉兵部、後坐事降御史、請選賢能、詔察郡縣、并重新布政、按察之任、尋復為刑部尚書、錦衣衛凌雲罪囚、上命焚其刑具、以囚送刑部、鐸慎密、廉

不妄取予。時諸卿中，詹徽以才勝，鐸以德勝。上嘗曰：徽鐸性行自不同。徽剛斷嫉惡，役吏蓬垢，虺瘦不異羈囚。鐸與人交，不知變色，口不出惡聲。願屢被小人誑誤，以是當刑者數，亦數曲宥。久之，置東宮詹事院，正三品，以鐸德量通儒術。其改秩，仍食尚書祿，加太子少保，使廣西諭降趙守壽。龍州還，復出恭楊文軍事。經畫守衛，撫輯蠻獠，所至帖然。回京三十年卒。弘先中，追贈太子太傅，諡敬安。

論曰：唐振之故，凍老管家也。進憲綱冊四十條，故亦不
忘察吏。

崔亮牛諒任昂李原名朱升

崔亮字義夫、藁城人。元末為省掾，求謁舊館，授中書札曹主事。洪武元年，歷禮部尚書，詔定官員親屬冠服及隸卒軍士等制，各有差。三年朔旦以來，日有黑子，疑祭天不順，禮所致。時議圜丘從祀為煩，詔亮損益前代。亮以正祀日月星辰太歲為簡當，上然之。并議百官于皇太子親王前，掖殿下，自稱名。若本宮內吏、本府官及承奉司，則自稱臣，而稱于上前。曰皇太子某王。時吳沉以皇太子國本，宜稱臣。典亮二。又定大朝會常朝及百官辭謝奏事侍班等禮。皇太子及群臣賜坐殿上坐墩制。酌宋典為損益。定仁祖

廟號請下太常祭告。定宗廟四時之祭。用四孟及歲除。凡
五。定清明筭節。各備時物薦享。定大射禮儀。特國制草創。
亮引證多據經典。七年。奉于官。
牛諒。山東東平州人。洪武元年。以秀才擢典簿。副學士。張
以寧使安南。諒先入其國諭意。黎人聽命。五年。陞禮部尚
書。定大祀分獻禮。上命五帝三王及後開創之君。俱京師
立廟致祭。上守成賢君子陵廟。有司主之。又詔定文武官
誥。七年。以前母服。暮。庶母無服。至是定。父母及生母皆三
年。庶母期。諒請遵高禮。大祀齋。膳。三牲。上曰。使傷物。何益。事神
任昂。河南河陰人。博覽有才譽。故元舉進士。拜寧晉縣。辭

隱居讀書自娛。洪武初，授襄垣訓導，擢御史。嘗署吏部，詔文官居憂，凡在職五年者，炤品給半祿，終制三年者，給全祿。三月，昂奉行之，以勵終喪者。十五年，陞禮部尚書。時有次妻乞封者，詔下禮部，昂議：妻在所娶，皆謂之妾。妻歿，妾不得為妻。以禮聘，則為妻。前妻無子，所生為嫡子。妻無子，以妾子為子。襲父職，叙長。其子亦得以本品推恩。頒定科舉成式，頒大成樂器，令諸生習之。是年，甲子初科，監生首舉。且中式者過半，上喜，諭昂出榜原籍，自是科舉之途始重。

李彥名

原名

字資善，安州人。二十年，試禮部尚書，奉詔行。

莽老禮定帝王名臣從祀。上曰：如漢馮異、宋潘美、忠義全
始終，乃可從祀。因以趙普不忠去之。元四傑祀木華黎去。
安童祀伯顏去。阿朮餘悉如所擬。凡三十七人。申巾帽之
禁。議親王以下表制。考定合祀山川。乃命王國各得祭其
封內。彥名為圖以進。復申定官民服飾。俾有古意。

朱升字孔升，通經史。元鄉薦。池州學正。丁酉歸朝。召見獻
三語。高築牆。廣積糧。緩稱王。上嘉納之。久之，拜侍讀。李士
知制誥同脩國史。頌樂舞。受命纂輯女史。撰齋戒文。請老。
卧石門。孝者稱為楓林先生。所著有經書旁註及書傳補
輯諸書。傳解行世。子同為禮部侍郎。

論曰帝方講韜鈴而輒徇用禮樂以宋濂溪主議而得亮諒
昂彥名升等次第潤色迄三十年而始光大百年之運不
易洗濯如此嗟乎更歷數朝而猶煩厲禁矣

劉仲質任亨泰樂韶鳳

劉仲質字文質，江西分宜人。博洽經史。洪武初，以宜春訓導擢翰林典籍，較正春秋本末。十五年，由編修拜禮部尚書。先是二年以前，釋奠禮止行于曲阜，繼以程徐議祭上丁于曲阜，京師祭仲丁，天下府州縣祭季丁，為令。至是上諭仲質等，仲尼明帝王之道，功在後世，其令天下各遵以春秋仲月，通祀孔子。仲質乃典定議，上服皮弁，執圭，詣先師再拜，獻爵，又再拜退，易服詣彝倫堂，祭酒以下進，講賜坐。侍臣次列東西，語畢宣諭而還。明日，祭酒率學官上表謝，上從之。尋命頒劉向說苑新序于天下，令生員講讀。時

初設殿閣。進仲質、華益、殿大學士、脩顧問。不預机務。未幾坐事降御史。久以年致仕。

任亨泰，湖廣襄陽人。洪武十八年殿試第一。歷礼部尚書。時日照民江伯兒殺子以禱母病，上怒。杖伯兒百。戍海南。命亨泰等定旌表例。凡人子遇父母有疾，割肝卧冰者，聽不在風勸之例。詔正定蔡氏書傳。學士刘三吾等總其事。亨泰亦典焉。二十八年，秦王槩薨，亨泰奏喪制宜輟朝五日。今遇時享，暫輟朝一日。因議世子襲爵礼。凡諸侯受天子之命，宜服其命服。使者出反喪，服即位而歿。時議大臣犯重罪，雖蒙宥，不得列本班。叙八品九品班後。請罷朝參賜。

念故事每旦視朝。坐公侯一品官于門內。二品至四品及翰林院等官門外。五品以下于丹墀。光祿寺以次設饌。叩頭而退。亨泰以事煩請罷上。從之。奉諭安南市。吏人為僕降御史。上厚賜同官。而令亨泰負繫持礪石磨。國子監題名碑。自除其名。乃已。

樂韶鳳字舜儀。全椒人。乙未。與其所知趙奎、王才、魯文質、陳旭、陳友六人並起。獻漚。從渡江。韶鳳博學能文章。性和易簡諒。有智畧。每參贊機務。丁酉。授江西行省管勾。洪武三年。入為啓居注。考議禮制。六年。歷兵部尚書。改侍講學士。預定孔廟樂章。催纂日歷。有勞。擇唐宋名儒表箋。頒行。

天下以為式。定回壘樂。辭存規切。八年。與諸臣輯洪武正韻。訂定陵寢祭祀。以每歲元旦、清明、七月望、十月朔、冬夏二至日、用太牢。其伏臘社、每月朔望日、則用特羊。祠祀署官行礼。如節與朔望、伏臘同日、則用節禮。從登壇脫鳥。上俱允行。歷國子祭酒。定皇太子與諸王往復書劄。卅三年。雷震奉天殿。上以群臣多不職。罷之。詔鳳致仕。以壽終。弟暉。開封知府。歷太常卿。致諸暨同知。並知名。而前六人文。庶。太醫院判。奎。與才。並都指揮使。旭。從燕功。封雲陽伯。友。平。董功。封武平伯。

論曰。釋奠禮。至仲賁。議始詳。自朝。祭。賜食之禮。廢。後世

奏對不移時而罷。君臣未嘗面謀。權歸傳諭。更以票擬。間有此行。於是望息九重者。如窺天馬。亨泰事煩一語。階之矣。若韶鳳。討論之才也。所深交五人。以醫與武。見國初通才。其用之亦無方哉。

朱善

朱善字脩萬江西豐城人父隱號滿峰先生善少聰穎十
歲通五經大義善屬文章繼母孝聞兵變隱居授徒所著
有詩經解願輯釋史輯等書南昌守許方以聞于朝任教
授洪武八年廷試諸儒善居首授翰林院修撰署院事逾
年不以家屬至京上曰汝無意為此乎謫戍遼東時善與
春秋本末未成去甚歎之路得病方進藥似有神人執春秋
一卷曰請與子對讀如是者三未至賜還為翰林待詔時
方革胡俗嚴婚禁良多犯法善入奏曰國世臣家世婚議
律不精謂姑舅之子若如兩姨之子若如却不得為婚比

讐家詆訟。或已聘見絕。既婚復離。甚見女行立。有司逼拆。究抑無訴。舊律尊長年幼相與為婚者有禁。謂姑舅兩姨。不可以卑幼上匹尊屬。非謂其子女互也。願弛禁以通人情。上是其言。十八年。主較札闈。晉奉議大夫文淵閣大學士。嘗進心箴。多啓沃。請選任賢。加以保盛業。賦井畧詩。遺疾。賜告。誠子。汝力耕。吾當畢業。汝祖皇極經世等書。以永其傳。卒。正德中。謚文恪。

論曰。善可謂不執俗以誤禮者矣。不止於畢業。父書闈。末國時。朝野詩禮之家。加求大破元俗。于是矯持不易化。終明之世。必以弛禁者謂犯禁。言及姑舅為秦晉。輒口。

吃既不入律。而胡重諱之乎。

○ 卷之八 華 昭 昭 昭 昭 昭

單安仁

單安仁字德天鳳陽人少為府吏洗冤澤物元末集義旋自保號青軍元授樞密判官授鎮南王孛羅普化守揚州時太祖下金陵安仁曰真人之興氣勢自別會鎮南王為長槍軍所逐遂拔衆來歸俾守常州安仁子叛父在吳士誠太祖不以子故連父安仁忠謹勤力敵不能犯以提刑副使巡行湖東金華民有訟其邑丞受金者安仁勾得其寔拉訟者以罪而告許之風衰遷中書左司郎中佐李善長參斷諸務無滯士誠敗其子被擒太祖付安仁自處之卒善遇安仁安仁精敏多智時營建城闕宮殿修朝享服

御儀物。廷議皆推之。吳元年，入為將作司卿。既即位，陞工部尚書，領將作如故。明年，改兵部，以老致任，賜田三千畝，牛七十頭，給尚書半祿。再起山東行省，參知，詣闕力辭而止。年八十五卒，遺祭，賜賻鈔百錠。

論曰：刑父而用其子，古有之。坐叛其父，故不疑其子。益任其子，亦或有之。安仁子從父共事，輒叛去，乃不疑。父復深任之，不殺他職守，迄終任之，卒得叛子，令父甘心。蒙養者不疑，知人善任，非神明其用，未易終此。明末，遂有父子異效，各持其是，而以公論存之。天下萬世者，可以恥。太祖推誠德夫之報也夫。

唐同子徽

唐同字同文，舊名書，婺源人。穎靈抱奇氣，受易於甘楚林。學春秋於劉彭壽，元至正中，以茂才異等授郴州學正。道梗，家黃州。仕漢友諒為學士承旨，兼御史。甲辰，漢亡，謁上武昌，占對不窮。授中書博士，改國子集功。臣子弟于內府教之，易今名。歷侍制起居注，奉命求遺書，改宗廟時享禮。議初獻將畢，令分獻官行之。罷上香禮，奉命畫古孝行及起家勤苦為圖，以垂世訓。洪武元年，陞侍讀學士。時或屈辱大臣，不以礼。中丞劉基疏言之，同因取戴記及賈誼書以進。上深納之。四年，與國子司業宋濂主考礼闈。陞吏部

尚書六年改學士承旨兼官如故與樂韶鳳上所製釋奠先師孔子樂章上以省牲告克告脯禮煩議革之同尋又請編脩日曆與侍講學士濂為總裁官時称詹吳樂守並有時名上尝步輦至館和同賦贈校對黃秀才景詩屬宋濂書之賜景同尋與宋訥等更即日曆分類輯為皇明寶訓七年罷科舉令有司察舉賢才仍令同選國子成材者與所舉參用賜方竹記同此年老趨拜龍鍾許致仕尋復以為學士承旨所著天衢吟嘯及海濱集二子魯徽歷左都御史性殘刻執法過嚴吏有小過罰書騰毋死不予歸吏痛擊登聞鼓以聞有軍人兩犯宥矣至是復犯當杖

徽欲并其前罪請誅之上。以為盪不許。初楊憲凌說高見
賢夏煜執法左右。即李善長汪廣洋亦頗憚之。而徽強鶩
過諸人。時袁泰為左副都御史。嘗劾諸御史。昌齡等四十
一人懷詐不言時政。上曰。人臣進言。會有時。以詐罪人。何
異張湯誹謗法。泰迺不敢復言也。徽嘗摘御史罪於上。
空御史署。錄脛視事。其後御史張文廉得泰違法數事。上
之上。遷張文官。卒不問泰。然終無能拾徽一事。而僉都御
史凌漢則數面折徽。以吏部尚書加太子少保。藍玉坐
謀反。上使徽從。太孫錄玉。玉不服。徽叱曰。速吐寔。毋徒株
連人。玉大呼。徽即玉黨矣。太孫以故。太子恨立。梓徽下。斷。

其手足尸諸市時凌漢致仕請歸上曰初致仕何以不歸漢曰初徽在臣有後憂今徽死臣乃敢歸耳子紱尚寶司丞弘光中追贈同禮部右侍郎謚文憲

論曰同以元臣更事漢來歸三姓矣乃不令履聲于闕

祠豈以其子刻深稱使故示曲貸歟同占對不窮與吳

樂華並稱然則開國禮樂定脩之一助也藍玉與故太子

親日夜不忘太子仇徽知之或欲從玉口併連太子子玉

遂故引徽為玉党以快故太子以安故太子蓋徽廢而太

孫全矣嗟吳伯宇之言早入胡党不至是而茲涼國之供不

堅蓋竟亦不至是殺徽帝心所隱也雖然表泰懷詐不言

之○奏○蒙○譴○指○為○張○湯○而○責○不○坐○泰○帝○心○誠○欲○以○二○党○應○殺○
運○卦

范常

范常字子權。滁州人。采青山先生孟申孫也。嗜學。為詩。質樸而無華。類其為人。篤于行義。太祖為館甥時。應召滁州。進曰。今四海擾亂。民無懼不保。請軍中被驅婦女悉令遣還。急擇寬厚長者出牧字之。使得耕守。不為他盜攻劫。此得人心第一義。上悅。間與論兵。常曰。古者寓兵于農。宜精加簡閱。為伍使之耕作。以其暇習肄武事。許事平之日。聽其為農。自是兵無坐食而不訕于用。授元帥府都事。丙申。定建康。亦預謀議。命為太平知府。賑瘡殘。興學校。民甚安之。入為侍儀。應對無隱。又嘗紀滁和事蹟上之。洪武元

年擢翰林直學士兼太常卿禮樂之事多委之遷起居注
足疾數在告賜安車出入尋允致仕自稱瑯琊山人子組
行脩潔歷雲南恭政

論曰常所言簡闕耕作以為即古富兵於農遺意蓋

初名滁州之言絕非正學必行井田之解願以議通
之於屯可也嗟乎屯尚不能持久况拘古為不近情之

事哉

對西... 蘇州... 宋青山... 中... 蘇州...

章等

薛祥

薛祥字彥祥，無為州人。元季集義兵保鄉里。乙未，從俞通海內附，為水寨管軍鎮撫。從征，時中軍已尚黃色，得侍黃船。預議軍政，上語平章通海曰：汝之功非彥祥不能成。定漢拔吳，下中原，皆與有功。漕運孟津，賊千人夜劫，祥數語散之。嘗患背疽，上親視之，願延安侯唐勝宗曰：其善護祥。祥才給軍，蕭何寇恂也。特命為都漕運使，民勞而不怨。海州之捷，治所獲無名號甚衆。八年，入為工部尚書。李善長奏鳳陽工人魔鎮祥，百折之。太師一言壞人命，恐不利子孫，得活數千人。九年，營護身殿，部奏誤，役以中等作上。

不。魁。命。有。司。皆。棄。市。丞。相。大。夫。不。得。復。請。祥。抗。諫。得。下。腐。
祥。復。奏。曰。是。成。廢。人。莫。若。杖。而。復。工。從。之。是。歲。改。天。下。行。
省。為。布。政。司。授。祥。北。平。治。行。第。一。胡。惟。庸。用。事。坐。以。營。建。
擾。民。降。知。嘉。興。府。及。惟。庸。誅。召。復。工。部。尚。書。上。問。奸。臣。詭。
汝。何。以。不。言。曰。臣。無。所。知。明。年。坐。他。事。死。杖。下。子。四。凱。能。
政。宣。皆。徙。于。瓊。州。

論曰。薛尚書敢言。不止。鄴侯之能。而又善自藏。相。擢。沐。久。
夫。宋。又。憲。止。言。其。善。者。與。祥。並。以。寬。大。辨。長。者。顧。瀛。以。厚。
而。祥。以。智。而。折。屨。鎮。預。遠。胡。中。書。不。敬。廼。以。他。事。坐。死。術。
猶。疎。哉。